



सानसेयारि **“बड’सा”** खरौरांलाइयाव
स्मनाज्यारि जिज्जो लोब्बा थानाय रायथाय, खन्थाय,
सल’, सल’बाथा आरु बावबायारि थावनि, पार्क
बाइदिनि स्यायव लिन्नाय लिन्बिबां देशाय ठरु।
सानसेयारि **“बड’सा”** खरौरांलाइया खेबखानानै
फोसावगोल।
बड’सायाव लिन्नायानि हुबा खालाम,
“बड’सा” खरौ नोथां, जो बयबो आंगो खालाम।
सानसेयारि **बड’सा** मावखुलि
माइबं नोगोर, जोहोलाव दैमालु लामा
कक्राझार, बिदिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 6 April, 2024 Kokrajhar, BTC, Assam ★ Vol.- 34, Issue No. 13 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

ट्रकजों सौग्रावनानै सासे पुलिस मावफारियानि जिउ ख’हा

कक्राझार, 5 एप्रिल: कक्राझार जिल्लानि सेरफंगुरि थानायाव बिबान सामलायबाय थानाय आबुल रेजाक सरकार मुनि सासे पुलिस मावफारियाआ ट्रकजों सौग्रावनानै जिउ गोमानाय जाथायखौ लानानै ओन्सोल नाडेनो दुखुनांथाव थासारि सोमजिनायखौ नुनो मोन्दों। खौरां मोन्नाय बायदिक्का, गुबुन सानफोरनि बायदिनो दिनेबो सेरफंगुरिनि कलबारिनि 31 नं. माहारियाारि राजा-लामायाव बिबान सामलायबाय थानाय समावनो डब्लिउबि 63 बि 6004 (□ 5 बिलाइआव)

डिगबैआव सर्बानन्द सनवालनि जानानै गिबि मन्थिआ बिसायख’थि फोसावदिंदों

2026 बिधानसभा बिसायख’थिनि सिगाडाव आं खोथा होनायफोरा जाफुडाब्ला जोंनो भट होनाडा: गिबि मन्थि

गुवाहाटी, 5 एप्रिल: 2026 माइथायनि बिधान सभा बिसायख’थिनि सिगां-सिगां आं खोथा होनायफोरा मावफुंजायब्ला राइजो-राजाफोर जोंनो भट होनायनिफ्राय जानायाव था। बे बाथ्राखौ बुंदों राइज्योनि गिबि मन्थि ऊ हिमन्त बिश्व शर्माआ। मख’नो गोनांदि, दिने डिब्रुगड लकसभा (□ 5 बिलाइआव)



हाग्रामा महिलारीनि थाखाय बेनो जोबथा बिसायख’थि: प्रमद बर’

बेसेन बांनाया बिसायख’थियाव जेबो गोहोम खोख्लैया

कक्राझार, 5 एप्रिल: हाग्रामा महिलारीनि थाखाय बेनो जोबथा बिसायख’थि। बे बिसायख’थिनि उनावनो सासेबो राइजोफोरानो नांगोलनि सावगारियाव भट होनो सिंगांबोनाय नंला होन्ना बिदिसिनि गाहाइ मावफुं सोद्रोमा प्रमद बर’आ हाग्रामा महिलारीखौ गोखों रावजों सोंखारिनायखौ नुनो मोन्दों। दिने मोनाबिलियाव कक्राझार सोहोरनि बाजारव थानाय दुर्गा मन्दिरनि दरखंयाव बान्जायनाय



मोनसे बिसायख’थियाारि प्रमद बर’आ हाग्रामा मेलयाव बाहागो लानायनि महिलारीखौ सोंखारिनां (□ 5 बिलाइआव)

मुसलपुर आव एनडिण् जुथाइ दोलोनि बिसाइख’थि फोसावदिं मावखुलि बेखेवबाय



बड’सा थाद-मुसलपुर: 5 एप्रिल बाक्सानि मुसलपुराव 42 नं बाक्सा एसटि लेजेसलेटिभ एसेमब्लिनि सिडाव फैगौ लकसभा बिसाइख’थिनि थाखाय 1 नं (□ 5 बिलाइआव)

एबिएमसुनि बान्जायनायाव आरो मुदैबारि ब्लक इउपिपिएलनि हेफाजाबाव जुथाइ इफटार खुदों

कलाइगाव, 5 एप्रिल: फार्सेथिं रमजान दान आरो गुबुन फार्सेथिं बिसायख’थिनि सम, बे बायदि समनि गेजेरावनो दिने मोनाबिलियाव उदालगुरि जिल्लानि 35 नं मुदैबारि बिदिसि बियाबनि सिडाव थानाय हाबिभाडा गुदि फरायसालियाव एबिएमसुनि बान्जायनायाव आरो मुदैबारि ब्लक इउपिपिएलनि हेफाजाबाव (□ 5 बिलाइआव)

बे खेबनि लकसभा बिसायख’थियाव एनडिण् बिजाथिफोरा देरहाजोबगोन: बिस्वजित दैमारी

उदालगुरि, 5 एप्रिल: बे खेबनि लकसभा बिसायख’थिआव एनडिण् बिजाथि एवा बिजेपि, इउपिपिएल आरो एजिपि दोलोनि बिजाथिफोरानो देरहाजोबनाया रोखा। बे बाथ्राखौ बुंदों आसाम आयेन आफादिनि बुंथिगिरि बिस्वजित दैमारीआ। दिने खौरां बिजोनि सिगाडाव आसाम आयेन आफादिनि बुंथिगिरि बिस्वजित दैमारीआ बुडोदि, कक्राझार लकसभा बियाबनिफ्राय जयन्त बसुमतारि आरो दर-उदालगुरि बियाबनिफ्राय दिलिप शकिया



मोनहानो देरहागोन। आथिखालनि खुंथाइ गोहोआव थानाय सरकारा राइजो-राजाफोरनि थाखाय गोखों जौगाथायनि खामानिफोरखौ (□ 5 बिलाइआव)

निसिता डेकाया नर्थ इष्ट फेसन आइकन सिजन 6 आव देरहासारदों

कलाइगाव, 5 एप्रिल: उदालगुरि जिल्ला टेलानि थागिबि निसिता डेकाया थांनाय 30 मार्चआव गुवाहाटी आमबारिनि लक्ष्मीराम बरुवा अडिटरियामआव खुंफुनाय नर्थ इष्ट फेसन आइकन सिजन 6 आव जोबथा देरहासारनायनि मान आर्जिनो हानानै बिदितार ओन्सोलनि उदालगुरि जिल्लाजों लोगोसेनो टेलानि गाहाम मुं आर्जिनो (□ 5 बिलाइआव)



बिबोनारिनि आखाइयाव बिमायनि जिउ ख’हा

गसाइगाव, 5 एप्रिल: कचबिहारनि बक्सिरहाट थानानि बेंखनाव थानाय जरे पुलिस आउट परस्टिनि आसाम-बेंगल सिमनानि सान्जा पलिमारि गामिनि थागिरि बक्टर आलि शेइक (75) आ गावनि असे बिबोनारिनि आखाइयावनो जिउ गोमानो गोनां जानायनि खौरां मोन्नाय जादों। ननि सिमानि हाखौ मिह्र खालामनानै 6 (□ 5 बिलाइआव)

बिजेपिआ बयनिखुइबो गिखंथावसिन चान्दा बोखांग्रा हान्जा: मनरन्जन तालुकदार

भवानिपुर, 5 मार्च: “बे खेबनि बिसायख’थिनि फिथायाव मिबथिनो मोनगोनदि भारत हादतआ दरसे धोरोम बासियै हादत जानानै थागोन ना थाया। मानोना भारत हादतनि बे खेबनि बिसायख’थिया बिसायख’थिल’ नडा। बे बिसायख’थिया जागोन हारियाारि



बिष गोसाहोनानै हादतखौ थेर-बेथेर खालामनो नाजानाय बिजेपिखौ बोखारनायनि बिसायख’थि। बे खेबनि बिसायख’थियाव राइजो-राजाफोरनि बिबानआ जागोन हारियाारि बिष गोसाहोनाय, सोबख’ग्रा बिजेपिखौ खुंथाय (□ 5 बिलाइआव)

सुनबारि-एलेडामारियाव सानै गान्जा फालांगिखौ हमदों

सालबारि, 5 एप्रिल: बाक्सा जिल्लानि सालबारि महकुमानि गवर्धना थानानि बेंखनाव थानाय सुनबारि आरो एलेडामारियाव आलादा-आलादायै नायबिजिरसनारनि गेजेरजों सानै गान्जा फालांगिरिफोरखौ पुलिसआ हमनो हानायनि खौरां मोन्नाय जादों। सालबारि महकुमा पुलिस बिबानगिरि निलतपल (□ 5 बिलाइआव)



जबलपुरआव गाहाइ मन्थि नरेन्द्र मदि आरो कंग्रेसनि दैदेनगिरि रहल गान्धीआ फोसावदिं खालामहैगोन

भपाल, 5 मार्च: हादरआव लकसभा बिसायख 'थिआ खुंजानो बारा गोबाव सम गैलिया। बेखौं 19 एप्रिलनिफ्राय गासै मोन 7 खोलोबआव 10 एप्रिलखालि मध्य प्रदेशनि मोन 6 मासिफोराव भट सोनाय जागोन। बेनि सिगां सिगां बैफोर बियाब एबा मासिफोराव राजखान्थियारि दोहौआ गोखौंसिन जाबोगासिनो। मध्य प्रदेशनि बिसायख 'थि हाबाफारिआव गाहाइ मन्थि मदि आरो रहल गान्धीनि एन्ट्रि जानो थंगासिनो। फेगौं 7 एप्रिलआव गाहाइ मन्थि मदिआ जबलपुरआव सुबुं गौमा खालामगोन। बेनि उनाव 9 एप्रिलआव बालाघाटआव थंगोन। गिबि खोलोबनि मोन 6 मासिफोरनि बिसायख 'थि फोसावदिं आ 17 एप्रिलनि मोनाबिलियाव जोबथागोन। जबलपुर आरो मन्डलाजौं लोगोसे 19 एप्रिलखालि मध्य प्रदेशनि



मोन 6 मासिफोरनि भट सोनाय जागोन। नरेन्द्र मदिआ जबलपुर आरो बालाघाट लकसभा बियाबआव सुबुं गौमा खुंगोन। बेराफारसै रहल गान्धीआ मन्डला आरो शहडल लकसभा बियाबफोराव रेलि खालामगोन। फेगौं 8 एप्रिलआव कंग्रेसनि दैदेनगिरि रहल गान्धीआ मन्डला आरो

शहडलआव सुबुं गौमाफोराव बाहागो लानानै बिबुंथि लाखिगोन। बेनि अनगायै बिथाडा सिमनी जिल्लानि केबलारी बिधान सभानि घंसौर आरो शहडलआवबो सुबुं गौमा खालामगोन। गाहाइ मन्थिनि नैथि सुबुं गौमाया 9 एप्रिलखालि बालाघाटआव जागोन। बे बियाबनिफ्राय छिंदवाड़ा आरो

मन्डला लकसभा बियाबफोरावो खाथि जायो। बिबिदआव बिजेपिआ बालाघाटनिफ्राय बे मोननै बियाबफोरावबो गोहोमखौ गोखौं खालामनो नाजागोन। बालाघाटनिफ्राय बिजेपिआ भारतीय पारघीखौ बिसायख 'थि फोथाराव बिजाथि फसदें आरो कंग्रेसआ सम्राट सारस्वारनो टिकेट होदें। □

ताइवानआव फैनाय बांग्रिनि उनाव गोमानाय भारतयारिफोरनि खौरां मोन्दें

गोदान दिल्ली, 5 एप्रिल : ताइवानआव थांनाय 3 एप्रिलआव फैनाय गिखंथाव बांग्रियाव खमैबलाबो सा 10 सुबुंफोरनि जिउ गोमायो आरो 1 रोजानिखुइ बांसिन सुबुंफोर जोखोम जायो। बे बांग्रिनि उनाव रैखाथि मावसुमाफोरा गोमाना थानाय सुबुंफोरखौ नागिरनायाव नांथाबो। ताइवानआव बुधवारखालि फैनाय बांग्रिया थांनाय 25 बोसोरनि गेजेराव बयनिखुइ गोहो गोरसिन बांग्रि महैर गनायजादें। बेयाव माखासे बिल्डिंफोर सिलिंखार जायो। रैखाथि मावसुमाफोरा डून आरो हेलेकप्टरनि गेजेरजौं सुबुंफोरखौ नागिरनायावो दड। बे समाव माखासे सुबुंफोरा गोमाना दडहोना फोरमायदें, जेराव सानै भारतयारिफोरबो दंफायोमोन। बे सानै भारतयारिफोर आथिखालाव आबुडे'रैखाथियै दडहोना भारतनि गुबुन हादतयारि बिफाननि फारसेनिफ्राय खौरां होदें। गुबुन हादतयारि बिफाननि बुंथिगिरि रणधर जयशवालआ गावनि सप्ताहयारि त्रिपिंआव बुडेदि, बांग्रिनि उनाव सानै सुबुंफोरजौं सोमोन्दो गाइसन्नो हायाखै।



नाथाय आथिखालाव सोमोन्दो गाइसन्नो हाबाय। मानोना बिसेर सानैबो रैखाथियै दड। भारतनि गाहाइ मन्थि मदिआबो ताइवाननि बांग्रिजौं गोहोम गोरलैनाय सुबुंफोरखौ खौसेयै थानो खावलायदें मोन। ताइवाननि हादतगिरि शाइ-यं-वेनआबो सेलेन्स गोनां समाव मदतनि थाखाय पिएम मदिखौ साबायखर बाउदें मोन। हादतगिरि शाइआ सशेल मिडिया जौसं एक्सआव परस्ट खालामदेंमोनदि, गाहाइ मन्थि मदिआ जौनि बे सेलेन्स गोनां समाव मदत खालामनायनि थाखाय जोबोद साबायखर। नोंथांनि फारसे निफ्राय दिन्थिनाय खोसे'थि, ताइवाननि सुबुंफोरनि थाखाय

जोबोद गोनां। मानोना जौं गासै थासारिखौ सरासन्ना खालामनो थाखाय खामानि मावगासिनो दड होना हादतगिरि शाइया बुंदें। पिएम मदिआ एक्सआव मोनसे परस्ट लिनानै ताइवानआव बांग्रिनि जाहोनाव सुबुंफोरनि जिउ गोमानायनि सोमोन्दैयै जोबोद दुखु मोन्दें। डि इन्डिया ताइपे एस 'सियेशनआबो बांग्रिजौं भुगिनाय सुबुंफोरनि सायाव दुखु मोन्नाय फोरमायदेंमोन। भारतआ 1995 आव ताइपेआव खुंनाय इन्डिया ताइपे एस 'सियेशनखौ गाइसन्देंमोन, जायनि थांखिया दरनै हादतआव खौरांखौ बांहोनाय आरो फालांगियारि, दावबायनाय आरो हारिमुआरि सोलाय-सोल 'नि सुबिधाखौ होयो। □

मन्थि जयशंकरआ इउएन बिबानगिरिनि बिबुंथिआव फिन्नाय होदें

तिरुवनन्तपुरम, 5 एप्रिल: गुबुन हादतयारि मन्थि एस जयशंकरआ इउएननि सासे गागि बिबानगिरिनि बावैसो सिगां बिबुंथि होनायखौ फिनजाथाय होदें आरो इउएनआ गावखौ फोरेंनांगौनि गोनांथि गैया होन्नानै बुंदें। मन्थिआ बृहस्पतिवारखालि भारतआव बिसायख 'थि खुंनायखौ लानानै इउएननि सासे गागि बिबानगिरिआ होनाय बिबुंथिखौ नेवसिनानै बुडेदि, मुलुगनि फसंथानआ जौनि हादरआव बिसायख 'थिआ उदाडे' आरो रोखायै जानांगौ होन्नानै बुंथिनांगौनि गोनांथि गैया। मख 'जाथावदि, थांनाय सप्ताहआव इउएननि गाहाइ नेहाथारिनि बुंथिगिरि स्टीफेन दुजारिकनाव दिल्लीनि गिबि मन्थि अरबिन्द केजरिवालखौ हमनाय आरो बेरेखा दोलो कंग्रेसनि बैंक एकाउन्टफोरखौ फ्रोज खालामनायखौ नोजोर बोनानै जानो गोनां सरासन्ना बिसायख 'थिनि सिगां भारतआव राजखान्थियारि गोजोन गैथैनि बागै सांथि सांनाय जादेंमोन। बेनि फिन्नायवबो दुजारिकआ बे बाश्राखौ बुंदेंमोन। बिथाडा भारतआव सुबुंफोरनि राजकान्थियारि आरो नोगोरारि बिबानगिरिफोरखौ रैखा कालामनाय जागोन आरो साफ्रोमबो उदाडे' आरो दावराव गैथै थासारिआव भट सोनो हागोन होन्नानै आसा खालामनायखौ फोरमायदेंमोन।



मन्थि आफादनि हेफाजाबगिरि आरो बिजेपिनि बिजाथि राजिव चन्द्र शेखरनि जानानै बिसायख 'थि फोसावदिं खालामनो सौहैनाय मन्थि जय शंकरआ बुंभावदेंदि, इउएननि बिबानगिरिआ थांनाय सप्ताहआव मोनसे प्रेस जथुम्मायाव जाय बादियै बाश्रा बुंदें बेबादि बुंनो नाडागोन। भारतनि सुबुंफोरा गावसोरनो बिसायख 'थिखौ उदां आरो गेबेडे' खुंनायखौ रोखा खालामगोन। बेनिखायनो बेनि बागै गुबुन हादरआ जिगा सिनांगौ गैया। □

खोला करियाआव इलेक्ट्रिक व्हीकल फान्नायाव 25 जौरवोन्दो दावरत्लायदें

गोदान दिल्ली, 5 एप्रिल : समाव बेखौं नेवसिगासिनो दड। शुक्रवारखालि फोसावनाय मार्केट रिपर्टनि बायदिल्ला खोला करियाआव गिबि थाम दाननि गेजेराव इलेक्ट्रिकल व्हीकल्स फान्नायाव 24 जौखोन्दो दावखलायनायखौ दिखानो मोन्नाय जादें आरो

गेसलिन हाइब्रिड मडेलखौ फान्नायाव 46 जौखोन्दो बादें। कर्ल्स इउआ मोनसे बिबुंथियाव बुडेदि, थानाय जानुवारीनिफ्राय लानानै मार्च दानसिमाव इलेक्ट्रिक व्हीकल्सआ थांनाय बोसोरनि बे समनि रुजुनायाव 34,186 निखुइ दावखलायनानै 25,550 सिम

मोन्नाय जादें आरो



फैदें। बिबुंथिनि बायदिल्ला बेबायदिया गिबि खेब जादें जेब्ला इलेक्ट्रिक व्हीकल्स फान्नायाव गोखैयै दावखलायनायखौ दिखानो मोन्नाय जादें। बेनि उल्थायै गिबि 3 दाननि गेजेराव गेसलिन हाइब्रिड गारि फान्नाया 1 बोसोर

सिगांनि 68,249 निखुइ बांनानै 99,832 बांदें। आथिखालाव मार्चसिमाव गेसलिनजौं सालायग्रा गारिफोरनि फान्नाया 1 बोसोर सिगांनि 241,742 निखुइ 19 जौखोन्दो दावखलायनानै 196,472 आव थाहैदें। बेराफारसे डिजेल कार

फान्नायावबो दावखलायनायखौ नुनो मोन्नाय जादें। अदेबानि डिजेल कार फान्नायाव 56 जौखोन्दो दावखलायदें। उद्यगजौं सोमोन्दो थानाय जर'खागिरिफोरनि बुंनाय बायदिल्ला गोबां बेसेनिनि जाहोनाव इलेक्ट्रिक व्हीकल्स फान्नाया बोसोरनाडे' दावखलायदें। □

बोथोर बिफाना दर 6 राइज्योफोराव दुंखावनायनि एलार्ट फोसावदें

गोदान दिल्ली, 5 एप्रिल : बोथोरनि सोलाय-सोल 'खौ बे समाव नुनो मोनगासिनो दड। माब्लाबा जोबोद गरमजौं लोगोसे जोमैयाबो सानजौं थाखोमालायनाय गेलेनायखौ नुनो मोन्दें। एप्रिल दाननि जागायनाय लोगो लोगो जोबोद गरम आरो दुंखावनायखौ लानानै सांग्रंथि फोसावगासिनो दड। बेनि गेजेरजौं शुक्रवारखालि आरोबाव खेबसे दिल्ली-एनसिआरनि बोथोरखौ गोसोम जानाय नुनो मोन्दें। जोमैजौं लोगोसे गोखौं बार बारनायनि जाहोनाव फुंनि समाव सानुं ओंखानायखौ नुनो मोनाखै। बोथोर बिफाननि बायदिल्ला सोनाबारि नारसिन्थाइनि जाहोनाव दिल्लीयाव गोखौं बारजौं लोगोसे सरासन्ना अखा हानो हागौं। 24 घन्टानि गेजेराव दिल्लीनि अनगायै सिक्किम, मेघालय आरो नागालेन्डआव सरासन्नानिफ्राय गेजेर थाखोनि अखा आरो मणिपुर, मिज 'राम,



त्रिपुरानि आलादा आलादा जायगाफोराव अखा हानो हागौं। बिफाननि बायदिल्ला शुक्रवारखालि माहारियारि राजथावनि दिल्लीयाव सानसे जोमै साग्लोबनानै थानो हागौं। माखासे ओन्सोलफोराव गोखौं बार बारनायजौं लोगोसे बहाबा सरासन्ना आरो बहाबा गेजेर थाखोनि अखा हानो हागौं। फेगौं सान्थामसिमाव बारनि गोखै'थिया घन्टायव 25 निफ्राय 35 किल 'मितारनि गेजेराव थानो हागौं। लोगोसे

मेक्सिमम आरो मिनिमम बिदुड 36 निफ्राय 19 डिग्रि सेल्सियाससिमाव थानो हागौं। बेराफारसे इउपियाव सोरंनाय लोगो लोगो सानुं दुंनो हमदें। सानुं दुंनायनि गेजेरजौं बेयाव साननि बिदुआबो बांनो हमदें। राइज्योनि मोनफ्रोम सहराव सानजौफुनि उनाव बिदुआ 40 डिग्रि सेल्सियासनि खाथियाव सौहैदें। बिफाननि बायदिल्ला फेगौं 24 घन्टायव माखासे राइज्योफोराव अखा हानो हागौं। लोगोसेनो सोनाब हिमालय

ओन्सोलाव सरासन्नानिफ्राय गेजेर थाखोनि अखा आरो बरफ गोरलैनो हागौं। केरेलायावबो सरासन्ना अखा हानो हागौं। फारसेथिं सा-सोनाब आरो सोनाब राजस्ताननि माखासे बाहागोफोराव सरासन्ना अखाजौं लोगोसे अखा खोरुमनायनि सांग्रंथि फोसावदें। बेराफारसे आइएमडिया सा कर्नाटक, उरिष्वा, सोनाब बंग', झारखान्ड, रायल सिमना आरो बोरियारि अन्ध्र प्रदेशनि आलादा आलादा ओन्सोलफोराव दुंखावनायनि एलार्ट फोसावदें। □

गाजायाव थैनाय हेफाजाबगिरि मावसुमाफोरनि सायाव बाइडेनआ बेन्जामिन नेतन्याहुजौं सावरायदें

वाशिंग्टन, 5 एप्रिल : गाजायाव सुबुंथियारि मदत सौहैहोबाय थाग्रा मावसुमाफोरनि सायाव गार्लोबनायनि सायाव आमेरिकाआ जिगा सिनाय फोरमायदें। बृहस्पतिवारखालि केसनि सायाव आमेरिकानि हादतगिरि ज 'बाइडेनआ इज्राइलनि गाहाइ मन्थि बेन्जामिन नेतन्याहुजौं फनआव सावरायदें। सानै दैदेनगिरिफोरा गाजायाव सोलिनाय थासारिनि सायाव सावरायदें। हादतगिरि बाइडेनआ गोनांथि होयोदि, सुबुंथियारि मावसुमाफोरनि सायाव गार्लोबनाया गनायथाव जाया। फारसेथिं ज 'बाइडेनआ बुंदें, इराननि जायखिजाया गार्लोबनायनि हेथायै आमेरिकाया इज्राइलजौं लोगोसे दंफायो। इज्राइलआ माखासे सानफोरनि सिगां गाजायाव सुबुंफोरनो जाग्रा आदार होबाय थानाय वलर्ड सेन्ट्रल किटचेन हेफाजाबगिरि मावसुमाफोरनि सायाव गार्लोबदें, जेराव माखासे



सुबुंफोर थैयो। नेतन्याहुआ मंगलवारखालि बुडेदि, इज्राइलनि सान्थि हान्जाफोरा गाजा पट्टियाव सिनाय मोनै सुबुंफोरनि सायाव गार्लोबनाय गनायथाव जाया। फारसेथिं ज 'बाइडेनआ बुंदें, इराननि जायखिजाया गार्लोबनायनि हेथायै आमेरिकाया इज्राइलजौं लोगोसे दंफायो। इज्राइलआ माखासे सानफोरनि सिगां गाजायाव सुबुंफोरनो जाग्रा आदार होबाय थानाय वलर्ड सेन्ट्रल किटचेन हेफाजाबगिरि मावसुमाफोरनि सायाव गार्लोबदें, जेराव माखासे

सप्ताह सोलिनाय नायबिजिरनायनि उनाव फसंथानआ बुडेदि, इउरपीय हादत आरो इउएनआ माखासे खेब जिगा सिनाय फोरमायखांबाय। नाथाय इज्राइल थांनाय बृहस्पतिवारखालि गावसोरनि नायबिजिरनाय

रिपटखौ फोसावनाय बुडेदि, बे भवनआव रावबो दावहारुफोर थाखोमनाय एबा बिसेरनि केम्प थानायनि जेबो फोरमान गैयामोन। अब्लाबो इज्राइलनि सान्थिफोरा बिसेरनि सायाव आबुडे' गार्लोबदें। गासै 6 दाननिफ्राय सोलिनाय गाजा दावहायाव दासिमबो 33 रोजा फिलिस्तानिफोर थैयो, जेराव 3 बाहागो 2 बाहागो आइजोफोर आरो गथ 'फोर दंफायो। गाजायाव सरासन्ना सुबुंफोर थैनायनि सायाव इज्राइलनि बयनिखुइ देसनि हेफाजाबगिरि आमेरिका, इउरपीय हादत आरो इउएनआ माखासे खेब जिगा सिनाय फोरमायखांबाय। नाथाय इज्राइल थांनाय बृहस्पतिवारखालि गावसोरनि नायबिजिरनाय

दावखलायनाय फैयाखै। □

भारतआ गुबुन हादतनिफ्राय रासायनिक हासार लाबोनायखौ फोजोबनो नोजोर होदें

गोदान दिल्ली, 5 एप्रिल : हादतनि आबादरिफोरनि थाखाय गिदिर खौरां। भारतआ 2025 बोसोरनि जोबथासिमाव इउनियानिफ्राय लाबोनाय एबा इन्पटखौ बन्द' खालामसिगोन। बे खौरांखो रासायन आरो हासार मन्थि मनसुक मान्डबियाआ मिबंथिहोदें। बिथाडा बुंभावदेंदि, नख 'रारि दिहुन्थायाव गोखौं नोजोर होनायजौं जागायथाय आरो दाबि एबा नांगौ जानायनि गेजेराव फारागखौ फोजोबनायाव मदत मोनगोन। मान्डबियाआ बुंदेंदि, भारतयारि आबादनि थाखाय हासारखौ जगायनाया जोबोद गोनां। हादतआ थांनाय 60-65 बोसोरनिफ्राय फसल दिहुन्थायखौ बांहोनायनि थाखाय रासायनिक हासारफोरखौ बाहायनाय जादें। सरकार नेन' लिक्विड इउरिया आरो नेन' लिक्विड डाइ-एमनियाम फस्फेट (डिएपि) बायदि बानायनाय



हासारफोरखौ बांसिन बाहायहोनो नाजानाय जादें। मन्थिया बुंभावदेंदि, अर्गेनिक हासारफोरखौ बाहायनाया फसल आरो हानि थाखायबो मोजां। जौं सरकार इउरिया हासार लाबोनायनि सायाव सोनारना थानायखौ फोजोबनायनि थाखाय फारनैआरि सोलोखान्थि आजावदें। सरकार गंभ्रै 4 बन्द' इउरिया प्लान्टफोरखौ

फिन जागायफिनबाय आरो गंसेबाव गुबुन कारखानाखौ खुलिफिननायनि हाबाफारि मावगासिनो दड। नख 'रारि दाबि देखानायखौ सुफुंनायनि थाखाय भारतआ बोसोराव 350 लाख टन इउनियानि गोनांथि जायो। आथिखालाव हादतआव हासार दिहुन्थाया 2014-15 नि 225 लाख टननिफ्राय बांसिनै 310 लाख टन जाहैबाय।

आथिखालाव बोसोरारि नख 'रारि दिहुन्थाय आरो दाबिनि गेजेराव फारागआ 40 लाख टन जाना दड। 5 थि प्लान्टआ जागायनायजौं इउनियानि बोसोरारि नख 'र दिहुन्थाया 325 लाख टनसिम जाहैगोन। लोगोसेनो 20-25 लाख टन खान्थियारि इउरियाखौ नेन' लाव-लाव इउरियाजौं सोलायनायनिबो थांथि लानाय जादें होन्नाबो मन्थिया बुडे। □

गासैबो सुबुंफोरा समानै बाजलखाडोब्ला बहुमा मा जागोन?

जों बहुमखौ जैरे बादियै नुबोदों बिबदिनो एबा बे नोजोरैने नयनायनि हुदा जाबाय। जों आरामै बेयाव जिउ खुंगासिनो, नाथाय सान्ना गोनादि, जुदि बोरैबा माबा मोनसे आलादा रोखोमनि जाथाय जायोब्ला जॉनि बहुमाव मा गोहोम गोलैगोन। बहुमाव थानाय



गासिबो सुबुंफोरा मोनसे समावनो जयै बाजलखाडोब्ला बहुमा मा जागोन? होन्ना मोनसे सोंथि सोंथि खालामनाय जादों। बहुमनि माखासे खास्थि दड, जाय सरसनस्त्रा महरै सोलिगासिनो। रावबो सान्ना हानाय नडादि, जुदि बेबायदि माबा गोब्राबल मोनोब्लाबो

क्या हो, अगर धरती पर एक साथ कूदें लोग?



नाथाय बेयो बिबथिनो गोनां आयदा। मुलुगआव गुबुन-गुबुन जायगायाव थानाय सुबुंफोरा मोनसे समावनो मोनसे खामानिखौ बयबो मावनो हाया। नाथाय जुदि गासिबो सुबुंज जयै बाजलखाडोब्ला, मुलुगआ मा जागोन? बेखौ जों संदानानै दिहुन्नो हाया, नाथाय बिगियानआ संदाननो हायो। मुलुगनि गासै सुबुं अन्जिमाया 8



आरबनिबो बांसिन। 2022 नि 15 नभेम्बरनि हमदांनय बायदिदै, 2037 सिमाव मुलुगनि सुबुं अन्जिमाया 9 आरब डलारसिम सौहैगोन। बिसोरो बयबो जयै बाजलखाडोब्ला जॉनि बहुमा मा जागोन? बिगियाननि बायदिब्ला, बे केसआव जेबो गिदिर जाथाइ



नुजाथिनाय नडा, बहुमा इसे मावग्लुंगोन आरो बबेबा हाइड्रजेन गुन्दासाया बेरफुनायनिखुइ खमसिन गोहोम गोलैगोन। थोंजों बुडोब्ला, 8 आरब सुबुंफोरा हरखाबै बहुमाव बाजलखाडोब्ला मख 'जाथाव जेबो जानाय नडा। बहुमाइ इसेल' मावखांगोन।



नों बर' सिख्ला

बलराम बर'

मिथिंगानि रे-रुब महर लानानै सोरजिनाय समायना बारफुनानै थानाय बिबार नों लाइमोन बर' सिख्ला। गोमो-गोथां दख'ना गानानाँ सिखिरि बादि बाहां बिरहां गां फुवार -फुवार फालि लानानै मोसाबायो। गोसो नोजोर मुहिनाँ नोंनि बे थायने मेगना बे संसारखौ बावहोनाँ सिमानि मुलुगाव गोदोहोयो। अखाफोर बायदि गावदां नोंनि बे जारौ मोखांया खोमसि अखांखौ स्रां खालामनाँ आंनि गोसोखौ लामा दिन्थियो। रुम्बां खानाइआ नोंनि साननि मोदानायाव जोंखलाबखाडे नरें सु बायदि गन्थं नोंनि गुस्थियाव लाजिस्तु मिनिनाय। मोज्जलायबादि जान्जि नोंनि आखाइ आव दैहु लाना मद' -मद' आंथिं थायनैजों मावनाय दांनयावबो नोंखौ रावबो फेजेनहाया हारिनि गोदेमा सिनायथिखौ फोथायनानै लाखियो नों। नाथाय जादोंसै दिने बेले-बेजे आसार खान्थि बोजबनो हमदों मालायनि गाननाय जोमनायखौ। दाखालायसै बिदि नों गलाय गथाय थासारिखौ फोथांफिनदो गावनि हारिनि समायना हायनाश्री महरखौ।

रंजालि गथ'फोरनि सौरा

गोरोबनै खन्थाइ

जायहा गैया मोनसा साननाय मोजां नुबा अनसाय खाबाय

मोनसा सानस्त्रिनाय गोरबोया मोजां नुबा अनसाय खाया

मोनसा सानस्त्रिनाय गोरबोया फेदबो गैया फुदबो गैया

सोरनि सानस्त्रि माथो बुंनो बहाथो मोजां थाजोबनो

आदानि गोबों सानस्त्रिफोर अखां बादिनो हावारमार

-रैदोम बर',
माजदिया, बगुलामारि,
बाक्सा

फागुन-फागुन मोन्नाय गोबों

जिउआव रंजानाय मोन्दों

सिउ-सिउ बारनाय जावलिनाय बारनि मोदोमफुनायाव

गोबों उसिफावदों रानसाव फागुनावबो

सिउ-सिउ बारनि गंसे गोबों बिलिरलानायाव,

उदासि गोसोनि मिजिंफोरा

गोरलै बिथ' खिलिजेनहानायावबादि,

बिरगलानाय रेसम खानाय,

बिरगलानाय फास्त्रानि

मल-मल मोदोमसावनायाव

जौमोन देहा थाजिम आनि!

फागुन फागुन मोन्नाय गोबोंआवबो

सुमब्लि बिबार बारफुहानाय समावबो

जुलिनि देंखोआ मानो रिंखाडे

आंनि खोमा सेरजों!

मिथिया! बे जावलिनाय गोसोआ

मानो आवबा जायो

बिनि राव,

बिनि फाव,

बिनि जंखायनाय

एमब्रायैनो मानो बोदोर!

अखानायसिनि रिथि-रिथा

जौनाय हाथ'रिथि,

ओंखारजेन्नाय जारां सान रोदा

मोदान हरो आंनि थायनै मेगन

बिदि नंखाय नंथारा!

हायना सारफावनाय

बिनि मेगननि नोजोराव इनायनो

गोरोबफलेथारो जावलिनाय बारनि हुब्लिदहरनायाव

सिदोब सिदोब मोन्नाय गोबोंआवबो

मानोथो!

गाब गाफ'बफैयो गोबों उसिफावलायनाय।

अन्जालि सर्गियारि
बाक्सा।

अबोला आं मा खालामनो!

नै बे गुवार संसारनि

थिं थिं गुदुं हाउ हाउ बालाबारियाव

दै गांगोन आं थाबाइनो बायो।

दै गुदुं हाउ हाउ बालाबारिखौ

आं बारलानो गियो।

रावनिबो आगान आरो

लामा गैयै बे बालाबारियाव

आं बबेथिं थानो!

बेवहाय फांसेबो बिफां गैया।

बेवहाय बार मोदायबो बारो।

जाउनाव हाद्रि बालाया बुखांजानाँ

मेगनाव हाबो आरो

मेगननिफ्राय मोदै गंयो।

नाथाइ

मेगननि मोदै, हाद्रि बालाखौ

सोर हुगारनो आरो एरख'नो?

गुबुनफारसे संसारनि

थिं थिं सान्दुंआ दैदेनलानाँनै

बेलासे बुब्लिया आंखौ बरायहरनो खावलायो;

नोंनि न'आव थानो।

लाजिगुसु मोखां सोमखेयै

अबोला आं मा खालामनो!

सविन बिखारोजा मोसाहारी।

गामि - देवानपारा।

ला:सो: - बागरगाव।

जिल्ला - सिरां बि.टि.सि.(आसाम)।

हाइब्रिडनि बिबार

होंगो दोंगो फालांगिरि

हाइब्रिड बिबारफोरनि सेर सेर,

आंहा बारादाय साबजानाय मोना

हाइब्रिड बिबारफोरनि मोदोमनाय।

समायना - रमायना गेवलां - गेवथां

सखल'-बखल', दुमब्रां - दुमब्रां, फाइलि गोबां,

आंनि बारिनि हायाव गोरोबफेनाय नंथारा बेफोर

आं हाइब्रिड फसलफोरखौ जोथोन खालाम हानाय नडा।

बुसाव-फेग्ले लोरगिं-लोरां

थावरिना थानायाव गोब्राब बैफोर

अरगेनिक फसलफोरनि गुनआ आलादा

बेनिखायनो आं खाइसो खालामो हाइब्रिड फसलफोर।

फालांगिनि होंगो दोंगो मुलुगाव

हाइब्रिड बिबारफोरनि सेर सेर थुब्राइफ'बनाय,

जोबनो गैया दिनैनि हाथाइसालियाव हाइब्रिडनि बिबार

आं दा आन्दायोसो बिबारबारिआव अरगेनिक ना हाइब्रिडनि

बिबारवा दै लुनो।

-गलाप खुंगुर बसुमतारी
कक्राझार

रिमारिकनि बिदै

-ए.क. ब्रह्म

(1)

मदिजी, हादतनि मानसिफोर नोंखौ खोब सियानथार

बुंसोलायदों,

इलेकुरेल वनु (EB) नि टकाखौ नों स्रोदयै दोनखोमानो

नाजादों;

नोंनि परिवार बिजेपिया EB मोन्दों 6986 कौटि,

नों सान्नाय बादिनो बुंनानै लायो जोंबो नोंनिनो

परिवार, मदिजी,

नाथाय बे खेबाव हले जॉनि पकेटआबो गरम जानांगोन EB

आ होन्दों।

(2)

बेखौ मिबथिनानै ला- रइज्योफोरबो गावनि दलखौ गावनो

दामो,

अन्नायनि दलखौ दामनायाव जों मानो गोनो-गोथो आसुसु

जानो?

बेखौबो गोसोआव ला-

दल दामब्लाल' जानाय नडा,

जों हागौमानि ट्रेजआव दिन्थिफुनो नाजा नांगोन हाइला-हुइला

मोसानोबो।

थेवबो नोंखौनो नागिरनानै फागला बोरो आं दिनैबो

नोंखौथ' मोनखानाय नडा आं

बावनोबोथ' बोरै हानो?

नों आंनि गोबों बिखायावल' नडा

हारा खर' मेलेमावबो हाबनानै दं।

नों आंनि देहानि गासैबो अंग'निनो

रोदा -रोदा थै जानानै बोहैयामोनब्ला

थारैनो नोंखौ नागारसिगोमोन आं- !

मानोथो बोहैयामोन नों थैनि दैमु जानानै

आंनि देहानि गासैबो अंग'निनो रोदा रोदा- !

आं सोंथिल' सोडेसोडे'फागला बोरो

सिगारेडनि अरखि उखुनदेखौ

मोदैजों खोमोरनो नाजानानै

गुस्थिआ गोबां खेब खामन्न' जानांबाय

बियो दा सोमखे जोमैबायदि दावखा बिदै।

आं रोनावो नोंनि मुं गावजिबायनानै

जौनि खुरैआव हांमानि दिख जावै-जावै

आंदि नोंनि थाखाय बेसेबां जावलिनाय

दिनै आखायजों मोनहायै गोजानाव

गाबोन मेगनजों नुयै गोजानाव

बिदिनो गोसो गोबोंनिबो गोजान जालांबाय नों- !

थेवबो नोंखौनो नागिरनानै फागला बोरो आं दिनैबो।

मोगथां बसुमतारी
चिरां।

थांरिब

सानदोंमोन आं आंनि

गोसोनि खोथाखौ फोरमायनो,

सानदों आंबो सासे मोजां मानसि जानो

सौनायखौ सोंदोंमोन इशोरनाव,

अन्नायखौबो बिदोंमोन इशोरनाव

सौनाय सौनायखौ आं सोंबाय,

अन्नाय मोन्नायाव आं फेलें जाबाय।

सानो आं आंनि गिदिर गोलाव

जानो सान्नायाबो फेलें जागोन दां,

सोंदोंमोन आं बे सौनायखौ इशोरनाव

आंनि सान्नाया बुडे आं जेब्लाबो

सासे मोजां मानसि जानो हागोन,

बेनो जादों आंनि थांथि।

श्रायना रसुमै नाजॉरि
ला:सो: - मापुरमारी
जिल्ला: - क' कक्राझार (आसाम)

मुसि नरेश्वर गयारि, मलानडुबि

(□ 1 बिलाइनिफ्राय)

डिगबैआव सर्बानन्द सनवालनि जानानै गिबि मन्थ्रिआ बिसायख 'थि फोसावदिंदों

बियाबनि बिजेपिनि बिजाथि सर्बानन्द सनवालनि जानानै गिबि मन्थ्रिआ 84 नं. डिगबै बिधान सभा बियाबआव गोदानै सोसनजानाय बुरिडिंहि मौजानि बालिजानाव मोनसे गेदेरथार सुबुं गौमायाव बिसायख 'थियारि फोसावदिंनाय हाबाफारियाव बाहागो लायो। बोथोर गात्रिखौं नेवसिनानैब्लाबो रोजा-रोजा सुबुंफोरनि नुजाथिनायाव गिबि मन्थ्रिआ गावनि गोसो बोनो हाथाव आखुजौं बिबुंथि लाखिनानै सुबुं गौमानि थासारिखौं मुजिहाब खालामो। गिबि मन्थ्रिआ रवनिबो मुं लायालासेनो रेसन कार्ड, अरुनदय, बेसेन नाडै माइरं, उज्जला गेस, आयुष्मान भारत, लाकटकिया बाइदेउ, आसाम माला बायदि गेदेरथार बिथांखिफोरखौं सोर होया होन्ना सोंथि दिखानानै बिजेपि सरकारनि समावसो बेफोर मोगथां महर मोन्दों होन्ना रोखायै मिबथिहोयो। रेसन कार्डखौं बिमा-बिफानि एबा इयुन मोन्थाय महरै फोरमायनानै बे कार्डनि गेजेरजोंनो मोनब्रै रोखेमनि बिथांखि मोनफुंनो हानायनि सोमोन्दै फोरमायनानै बे बिथांथिखौं साब्रै फिसाज्त्ताजौं रुजुनानै रइजोफोरनो गुवारै फोरमायनानै होयो। गिबि मन्थ्रिआ गावनि बिबुंथियाव फोरमायबावनाय बायदिब्ला, सिगांनि समाव गाव खोथा होबोनायफोरखौं 2026 माइथायनि बिधान सभा बिसायख 'थिनि सिगां-सिगां मावफुंजोबगोन। मावफुंनायखौं नुवाब्ला रइजोफोर बिजेपिनो भट होनायनिफ्राय जानगराव था होन्ना गिबि मन्थ्रिआ फोरमायबावदों। गिबि मन्थ्रिजौं लोगोसे बे हाबाफारियाव डिाबैनि एमएलए सुरेन पुकन आरो मिरु मन्थ्रि रामेश्वर तेलिआबो बिबुंथि लाखिनायखौं नुनो मोन्दों।□

मुसलपुर आव एनडिए जुथाइ दोलोनि बिसाइख 'थि फोसावदिं मावखुलिखौं बेखेवबाय

कक्राझार लकसभा बिसाइख 'थिनि फोसावदिं मावखुलिखौं एनडिए एबा इउपिपिएलनि बिजाथि जयन्त बसुमतारिया बेखेवनानै होबाय। बे बेखेवनाय हाबाफारियाव बाहागो लानानै बिथाड कक्राझार लकसभा बियाव एनडिए एबा इउपिपिएल आ 70 जौखोन्दो भट मोन्नानै देरहागोन होन्नानै दाबि देखानायखौं नुनो मोनो। बारग' मन्थ्रि चन्दन ब्रह्मआ इउपिपिएल दोलोआव गोरोब फैगोन होन्नानै सुबुंफोरनि खुगा खुगा सावरयज्त्तायबाय थानायनि सायाव फोरमायनानै बुंथियोदि, चन्दन ब्रह्मआ इउपिपिएल दोलोआव हाबफैब्लाबो मोजां आरो बिथाड इउपिपिएल दोलोआव हाबफैयोब्ला बिपिएफ दोलोनि बोलोआ इसेब्लाबो रंगोन आरो इउपिपिएल राजखान्थि दोलोनि अनजिमाया बांगोन होन्नानै फोरमायो। आथिखालनि कक्राझार लकसभा बियाबनि एमपि नब' कुमार शरनीयानि सायाव खौरंगिरिनि सोंथियाव फोरमायनानै बुंथियोदि, आयेना गासैनिबो थाखाय समान बिथानि सायाव गोजौं बिजिरसालिया बिजिरनानै राय होदों आरो बिथानि आयेननि नोजेराव दायनि गिरिब्ला आयेन बादियै थांगोन होन्नानै फोरमायो। फैगौ लकसभा बिसाइख 'थियाव मा इसुखौं लानानै रइज्योनि गेजेराव फोसावदिंनाय हाबाफारियाव बाहागो लागोन होन्नानै खौरंगिरिनि सोंथियाव फोरमायनानै बुंथियोदि, एनडिए एबा इउपिपिएल दोलोनि इसु महरै हादोराव नरेन्द्र मदिखौं थामथि खेबनि थाखाय गाहाइ मन्थ्रि खालामनाय, बिटिआर ओन्सोलाव रइज्यो जानाय गुबुन गुबुन हारि माहारिनि गेजेराव गोजोन थासारि लाबोनाय आरो आसामाव ३ हिमन्त बिस्व शर्मनि दैदेन्नायाव जौगानायनि जि दोहौं बेखौं लानानै थानाय फोरखौंनो लानानै रइज्योनि गेजेराव हाबहैगोन होन्नानै बुंथिनायखौं नुनो मोनो। बिपिएफ दोलोआ प्रमद बर'आ बिटिसिआव जौगानाय जेबो खामानि मावनो हायाखै होन्नानै अजद लाबोनायनि हेंथायै फिन्नानै बुंथियो। बिपिएफ दोलोआ थानाय 17 बोसोर सरकार सामलायनाय समाव 17 रोजा सुबुंफोरनो ल' हानि फोरमान लाइखौं हादोंमोन नाथाय प्रमद बर'नि दैदेन्नाय बिटिआर सरकारआ ब्रै बोसोरावनो से लाक निबो बारा सुबुंफोरनो हानि फोरमान बिलाइ रान्नानै होबाय। आरो बिटिआरआव प्रमद बर' दैदेन्नाय सरकारआ बयनिबो हारि-माहारिनि गेजेराव बिदा फंबाइ अनज्जलायनाय लाबोदों आरो जौगानायनि खामानि फोरखौंबो थад'नाय गोयै मावबाय थानायखौं नुनो मोन्दों। बे फोसावदिं मावख' बेखेवनाय हाबाफारियाव बिजेपिनि आफादगिरि चरत शर्मा नेहाथारि रिदिप देका इउपिपिएलनि आफादगिरि त्रिपेन चन्द्र बर' बाक्सा जिल्ला एजिपिनि आफादगिरि नब कुमार कलिटाजों लोगोसे गोबां दैदेनगिरिफोर बाहागो लानायखौं नुनो मोन्दों।□

निसिता डेकाया नर्थ इष्ट फेसन आइकन सिजन 6 आव देरहासारदों

हानायखौं नुनो मोन्दों। मख'नो गोनांदि, गुवाहाटी पिपेनसि एकाडेमिनि 12 थाखोनि फरायसुलि निसिता डेकाआ टंलानि थागिबि मुंदांखां फालांगिरि एबा गेलेमु मोजां मोनप्रा बिफुल डेका आरो दिक्ति शइकिया डेकानि फिसाजो। निसितानि बे मान देरहानायाव बिमा-बिफाजों लोगोसे टंलानि रइजो-राजाफोरजों लोगोसे गुबुन गुबन आफाद फसंथानफोरबो गाहाम हामब्लायनाय जासिनायखौं नुनो मोन्दों।□

बिजेपिआ बयनिखुइबो गिखंथावसिन चान्दा बोखांग्रा हान्जा: मनरन्जन तालुकदार

गोहोनिफ्राय बोख्लायनानै दरसे धोरेम बासियै हादतनि बिबानखौं गथायनानै होनो हानाय बेरेखा जुथाय हान्जानि सरकार दाफुंनाय। बेनि थाखाय रइजो-राजाफोर बिजेपि आरो एनडिएनि बिजाथिनि सोलायै बेरेखा हान्जानो भट होनांगोन। दासान्दि भारत हादतनि रइजो-राजाफोरजों लोगोसे आसामनिबो गोबां रइजो-राजाफोरा बे खेबाव बिजेपि एबा एनडिएनि बिजाथिनि हेंथायै भट होनो थाखाय थियारि जाबाय। भारत हादतआव बिजेपि एबा एनडिएआ गासै 200 निबो बाडाइसिन मासि मोन्नानै खुंथाय गोहोनिफ्राय बिदाय लागोन। बेफोर मासिफोरखौंबो रंनि सोलायै मोनगोन।’’ बे बायदि बिबुंथिजों बिजेपि आरो एनडिएखौं गोखों रवजों सोंखारियो बरपेटा लकसभा बियाबनि सिपिआइएमनि बिजाथि आरो सरभग बिधान सभा बियाबनि एमएलए मनरन्जन तालुकदारआ। दिनै मोनाबिलियाव सरपेटाआव खुंनाय सिपिआिएमनि मोनसे बिसायख 'थियारि मेलाव बाहागो लानानै सिपिआइएमनि बिजाथि मनरन्जन तालुकजदारआ बे बाश्राखौं बुडो। बिथाडा बुंबावोदि, उग्र हिन्दुबादि बिजेपिआ हिन्दुत्वबादिन बाश्रा बुडो, नाथाय इलेक्टरेल बन्दनि गेजेरजों बिजेपिआ पाकिस्ताननि कम्पानि, मोसौ बेदर फालांगिरिनिफ्राय रं बोखाडो। बिजेपिआ भारत हादतनि बयनिखुइबो बांसिन गेना-खान्थिजों लोब्बा थानाय हान्जा। बिजेपिआ बयनिखुइबो गिखंथावसिम रं बोखांग्रा हान्जा। मनरन्जन तालुकदारआ बुडोदि, आसामाव एजिपि दोलोआ माब्लाबानो जोबक्सां लांदों। असमीया हरिखौं फोथायखेबस' खालामनाय, आसामनि हारियारिबादखौं फोजोबक्सांनाय एजिपि दोलोआ असमीया रइजो-राजाफोरनि गोसोनिफ्राय माब्लाबानो एरख'जादों। एजिपि आरो एनडिएनि बिजाथि फनिभुषन चौधुरिआ बडाइगाव बिधान सभा बियाबनिफ्राय 8 खेब देरहानायनि उनावबो सदनआव बियाबनि रइजो-राजाफोरनि जानानै फंसेबो बाश्रा बुंफेरे सासे एमएलए। बरपेटयाव फनिभुषन चौधुरीखौं बिजाथि महरै फसंनायाव बियाबनि एजिपि दोलोनि जेसेबां दैदेनगिरि-मावथिफोर दइ' बिसोरबो गोजेन्नाय मोनाखै। बिजेपिआबो फनिभुषन चौधुरीखौं हेफाजाब होयाखै। बरपेटा लकसभा बियाबनि बिजेपिनि गोबां हेफाजाबगिरिफोर बेखेबाव न'टयाव भट होगोन। एजिपि दोलो आरो फनिभुषन चौधुरीआ बे खेबाव 'का' गनाया होन्नानै बुडोब्ला, हिमन्त बिश्व शर्मांआ एजिपि दोलो, फनिभुषन चौधुरीखौं नारखे हरणोन होन्नानै बिथाड बुडो। सिपिआइएमनि गागि दैदेनगिरि अक्षय डेकाआ दैदेन्नाय मेलाव सिपिआइएमनि बरपेटा जिल्ला आफादिनि नेहाथारि आजिजुर रहमानआबों जिपि, बिजेपिखो गोखों रवजों सोंखारियो। मख'नो गोनांदि, सिपिआइएमनि बिजाथि मनरन्जन तालुकदारआ बरपेटा लकसभा बियाबनि सिडव थानाय भबानिपुर-सरभग बिधान सभा बियाबनि भबानिपुर, माहतलि, बरलियापारा, साउलियाबरिजों लोगोसे गुबुन गुबुन जायगायाव खुंनाय मेलाव बाहागो लायो। लोगोसे तालुकदारआ सिपिआिएमनि गोबां दैदेनगिरि-मावथिफोरजों लोगोसे भबानिपुर-सरभग बिधान सभा बियाबनि रइजो-राजाफोरजों सावरयलायो।□

ट्राकजों सौग्रावनानै सासे पुलिस मावफारियानि जिउ ख'हा

नम्बरनि गंसे ट्राकखौं लाखिनो नाजानाय समावनो ट्राकआ पुलिस मावफारिया होखेमलाडो। पुलिस मावफारियाआ गोब्राब जोखोम जानायलाय हाखु-दाखुयै कक्राझार फाहामथाय फरायसालिमा देहा फाहामसालिसिम लांनाय जादोंमोनब्लाबो फाहामगिरिआ पुलिस मावफारियाखौं जिउ गोमाबाय होन्ना फोसावयो□

खाम्फा बरगयारिआ बिसायख थिनि उनावनो इउपिपिएलआव हाबगोन..

दोलोयाव हाबसिगौमोन, नाथाय बिपिएफआ लकसभा बिसायख 'थिनि थाखाय 1 नं. कक्राझार लकसभा बियाबआव बिजाथि महरै फसंनायनि थाखायसो थाथ'नो गोनं जादों। बरगयारिनि थाखाय मावफुं सोद्रोमा रन्जत बसुमतारिआ मोनसे गेदेरथार नागरासयनि सोमोन्दै फोरमायथिदों।बेनो जाबाय बरगयारिनि थाखाय चिरानि बिटिसिनि बियाबखौं नागरानानै होगोन। जेबो गोजेरथाय गैयै दोलोनि बिजाथि जानानै खाम्फा बरगयारिआ सिरि-सिरि गाबखोमागासिनो दं होन्ना बसुमतारिआ गावनि बिबुंथियाव फोरमायो। थाबैनो माखासे साननि गेजेरवनो बिपिएफआ लाथिख' जानो थांगासिनो दं। 1 नं. गसाइगाव बिधान सभा बियाबआव इउपिपिएलनि बिसायख 'थियारि सामब्लाय मावख' बेखेवनाय हाबाफारियाव बाहागो लानानै मावफुं सोद्रोमा रन्जत बसुमतारिआ बेबायदिनो बेफ्फुसार बिबुंथि लाखिनायखौं नुनो मोन्दों□

एबिएमसुनि बान्जायनायाव आरो मुदैबारि ब्लक इउपिपिएलनि..

जुथाय इफ्टार हाबाफारि खुंनाय जायो। बे हाबाफारियाव भेरगाव जिल्ला इउपिपिएलनि खुंथायारि नेहाथारि एन्थ'नि बसुमतारि, मुदैबारि ब्लक इउपिपिएलनि आफादगिरि पबित्र बसुमतारि, खुंथायारि नेहाथारि जगत डेकाजों लोगोसे दोलोनि गोबां मावथिफोरजों लोगोसे कलाइगाव एबिएमसुनि बिबानगिरिफोरा बाहागो लानानै जुथाय नामाज फरायो आरो मुलुग गोजोननि थाखाय आर'ज गाबो।□

बे खेबनि लकसभा बिसायख 'थियाव एनडिएनि ...

होगोन होन्नानै बिस्वजित दैमारीआ बुंडो। बिथाडा बुंबावोदि, आथिखालनि खुंथाइ गोहोआव थानाय सरकारा बर' माहारिनि जौगाथाइनि थाखाय गोबां खामानिफोरखौं मावगासिनो दं। बर' रावखौं सरकारि मावखुलिआव बाहायनाय, आसाम आयेन आफादिनि जथुमायाव रोखा रोखायै बाहायनो हानाय बायदि खामानिफोरखौं दानि सरकारानो मावगासिनो दं। लोगोसे बर'फोरनि गेजेराव बिटिसि आरो बिटिआर गोरोबथा खालामनायनि गेजेरजों गोबां जौगाथायनि खामानिफोरखौं मावगासिनो दं होन्नानैबो आसाम आयेन आफादिनि बुंथिगिरि बिस्वजित दैमाराआ खौरं बिजोंनि सिगाडव फोरमायो। गुबुन फार्सेंथिं, बेरेखा हान्जा एबा बिपिएफ आरो कंग्रेसनि दैदेनगिरिफोरा बे समाव राजखान्थि मुलाम्फानि थाखाय सरकारनि सायाव बायदि रोखेमनि अजद होदों, बेखौं रइजो-राजाफोरा साननांगौ गैया होन्नानै आसाम आयेन आफादिनि बुंथिगिरि बिस्वजित दैमारीआ बुडो।□

तामुलपुराव बिपिएफआ बिसायख 'थियारि मावख' ...

हाबाफारिजों लोब्बा लाखिनानै बिसायख 'थि सामलाय आफादिनि मासिगिरि गपिनाथ ब्रह्मनि दैदेन्नायाव मोनसे सावराय मेल खुंफुंनायखौं नुनो मोन्दों। बे हाबाफारियाव तामुलपुर जिल्ला आफादगिरि महेश्वर बसुमतारि, बारग' एमएलए इमानुयेल मुसाहारिजों लोगोसे गोबां दोलोनि दैदेनगिरिफोरनो बाहागो लायो। बे मेलयाव बारग' मन्थ्रि चन्दन ब्रह्मआ इउपिपिएलआव हाबनाय बाश्रानि सोमोन्दै तामुलपुरनि बारग' एमएलए इमानुयेल मुसाहारिया फोरमायनाय बायदिब्ला मोनसे समाव गिबि मन्थ्रि ३ हिमन्त बिश्व शर्मांआनो बिपिएफ आरो इउपिपिएलखौं खौसे जानो बोसोन होदोंमोन। नाथाय बै समाव चन्दन ब्रह्मआनो हेंथा होनानै खौसे जाहोयाखैमोन। नाथाय बे समाव थारैनो चन्दन ब्रह्मआ इउपिपिएलआव हाबमारोब्ला बेखौं ब्रह्मनि इग' ट्रिप होन्नानैसो बुंगोन। लोगोसे बारग' एमएलएआ सोंथि दिखांवावदेंदि, जाख्ल'नायनिफ्राय उदां खालामनो बुंनानै गादि दख्ल खालामप्रा इउपिपिएल दोलोआ जाख्ल'ग्राफोरखौं साबेसे जोबथेसालियाव दैथायहरनो हाखो होन्ना सोंथि दिखाडो। दिनै दरं-उदालगुरि लकसभा बियाबनि बिपिएफनि बिजाथि दुर्गा दास बर'नि जानानै तामुलपुरआव बिसायख 'थियारि मावख' बेखेवनाय हाबाफारियाव नुजाथिनानै बारगबेखेवनाय एमएलए इमानुयेल मुसाहारिआ गावनि बिबुंथियाव बेबायदिनो फोरमायनायखौं नुनो मोन्दों।□

बिबोनायनि आखाइयाव बिमायनि...

साननिफ्रायनो थानाय शनिबार बेलासिनिफ्राय बिमाय-बिबोनायनि गेजेराव नांज्लायनाय सोमजिदोंमोन। बे नांज्लायनायनि गेजेरावनो बिबोनाय हापिजुल शेइकआ दंफां बाथामजों खर'याव बुनानै होनायाव गोब्राबै जोखोम जायो। जोखोम जानाय बिमायखौं गुदि फाहामथायनि थाखाय आलिपुरुदुवाराव दैथायहरदोंमोनब्लाबो गोजौसिन फाहामथायनि थाखाय सिलिगुरियाव दैथायहररफिन्नाय जायो आरो गाहामसिन फाहामथायनि थाखाय गोब्राब थासारियाव गुवाहाटीयाव दैथायहरनाय जादोंमोनब्लाबो फाहामथाय होबाय थानाय समावनो बक्टर आलि शेइकआ जिउ गोमायो। जाथयनि उनाव 6 सान बारलांब्लाबो पुलिसआ दायनिगिरिखौं हमनो हायैआव गामिनि सुबुंफोरा दुखु मोन्नाय फोरमायदों।□

हाग्रामा महिलारीनि थाखाय बेनो जोबथा बिसायख 'थि: प्रमद बर'

फोरमायदेंदि, हाग्रामा महिलारीआ मोनबाल' बियाबआव बिजाथि होयालासेनो मोन 14 बियाबआवनो बिजाथि होयोमोनब्ला जों गाहाम हामलायनाय बाउगौमोन होन्ना फोरमायो। मानोना 2024 माइथायनि बिसायख 'थिनि उनावनो नांगोलनि सावगारिया थानाय नंलिया। बेनिखायनो बिपिएफनि थाखाय बेनो जोबथा बिसायख 'थि जासिगोन। हाग्रामा महिलारीनो माबा मोनसे हेफाजाब नांगौब्ला जोंखौं बुंब्लानो हेफाजाब खालामगोन होन्ना प्रमद बर'आ गावनि बिबुंथियाव फोरमायबावदों। आथिखालाव बाजारव बेसेन बांनाया बिसायख 'थियाव जेबो गोहोम गोग्लैया होन्ना गाहाइ मावफुं सोद्रोमाया गावनि बिबुंथियाव रायखांदेरो। आथिखालनि समावबेसेन बांनाया भटार रइज्योफोरखौं जेबो ख'हा खालामनो हाया, मानोना रइज्योफोरा नरेन्द्र मदिखौंनो 3 थि खेबनि थाखाय गाहाइ मन्थ्रि खालामनायनि थांखियाव एनडिएनो भट होगोन। बेनिखायनो बेसेन बांनाया आथिखालनि बिसायख 'थियाव जेबो गोहोम खोख्लैनाय नड होन्ना प्रमद बर'आ रोखा फोरमायथियो।□

कक्राझारआव इउ पि पि एलआ दोलोयाव हाबनाय हाबाफारि बान्जायदों

खोख्लैजादों। फरायसा दैदेनगिरिनिफ्राय थोंजों राजखान्थि दोलोयाव हाबनानै दोलोनि आफादगिरि बायदि बिबान नाजावनाय प्रमद बर'नि नुजाथिनायाव दिनें गासै सा 718 लाइमोन सेंप्रा-सिख्लाफोरा इउपिपिएल दोलोआव हाबनायखौं नुनो मोन्दों। गाहाइ मावफुं सोद्रोमाया राजखान्थि फोथाराव गोदानै हाबफैनाय लाइमोनफोरखौं दोलोनि फालि गामसाजों मान बाउनानै बरायनायखौं नुनो मोनो। राजखान्थिनि फारसे लाइमोनफोरा आथिखालाव गोबां गोसो होदों होन्ना गाहाइ मावफुं सोद्रोमाया गावनि बिबुंथियाव फोरमायो। गोदान जोलैनि लाइमोनफोरनि सान्नाय-हनाय, हाबा मावनाय, सान्दांथि, सानखांथि आरो मोन्दांथिफोरा जोबोद गोजौं थाखोनि जायो। बेनिखायनो बिसोरनि बाहागो लानायाव दोलोआ थारैनो मोनसे फोथायथाव थिखिनिसिम सौहैगोन होन्ना फोथायथि लानो हायो होन्नानै गाहाइ मावफुं सोद्रोमाया फोरमायबावदों। हादतनि लाइमोनफोरा बेबायदिनो जौगालु हाबाफारिफोराव थोंजों फोनांजाब खालामोब्ला हादतनि जौगाखांनाया थाबैनो गोखों गोखैथिजों दावगालांगोन होन्ना फोरमायो। सिगांनि समाव गोदान जोलैनि लाइमोनफोरनि गेजेराव बेफोरबायदि राजखान्थिनि फारसे गोसो होनाय नुफेराखैमोन, नाथाय आथिखालाव बिटिआर सरकारनि नोजोर बोथावना बिथांखिफोर आरो फरायसा-फरायसुलिफोरनि, आइजोफोरनि अन्सायलु बिथांखिफोरनि खामानि मावनायखौं नुनानै लाइमोनफोरा थारैनो राजखान्थियाव बाहागो लानो इउपिपिएलजों लोगो जाफेदों होन्ना बिटिसिनि गाहाइ मावफुं सोद्रोमाया फोरमायबावयो। बे हाबाफारियाव बाहागो लानानै गाहाइ मावफुं सोद्रोमाया नब' कुमार शरनियानि राजखान्थि इयुनखौं गोजौं बिजिरसालिनि खाथियावसो सोनारना दइ होन्ना फोरमायनानै बेवहाय जेबो बुंनांगौ गैया होन्ना मिबथिहोयो। खेबनै एमपि जालांनाय नब' कुमार शरनियाखौं बिगावारि थाखोयाव मान होयो होन्ना फोरमायनानै आयदाखौं आइननि सिडव थानायखाय आइनासो सुक्सांगोन होन्ना प्रमद बर'आ गावनि बिबुंथियाव फोरमायबावदों। बिपिएफ दोलोनि आफादगिरि हाग्रामा महिलारीनि मोनसे समनि आंगो लोगो एबा बिपिएफनि गागि दैदेनगिरि बारग' मन्थ्रि चन्दन ब्रह्मआ इउपिपिएल दोलोयाव हाबनायनि सोमोन्दै बिटिसिनि गाहाइ मावफुं सोद्रोमाया सावरयनाया सोलिगासिनो दइ होन्ना रोखायै फोरमायथियो। मख'नो गोनांदि, कक्राझार सोहोरनि हाबुबारियाव थानाय इउपिपिएल लाइमोन गांखनि मिरु मावख'याव दिनें मोनसे गेदेरथार दोलोयाव हाबनाय हाबाफारि खुंफुंनाय जायो। बे हाबाफारियाव एमएलए लरेन्स इस्तारि, इउपिपिएल आइजो गांखनि आफादगिरि प्रतिभा ब्रह्मआबो बाहागो लानायखौं नुनो मोन्दों।□

ट्रेक्टरानो फामे बिबार आरो फामे बिबारानो ...

हादतआव फिन खेबसेबाव मदि सरकारानो फैफिनखासिगोन, बेनिखायनो जों जयन्त बसुमतारिनोनो गोबां भट होनानै देरहाहोहरनो थाखाय नाजानांगौ होन्ना खावलायो। मानोना बे खेबनि बिसायख 'थियाव ट्रेक्टरानो फामे बिबार आरो फामे बिबारानो ट्रेक्टर होन्ना फोरमायनानै रइज्योफोरा बेखौं लानानै गोनो-गोथो जायालासेनो थोंजोडै ट्रेक्टरनि सावगारियाव थुनानै जयन्त बसुमतारिखौं देरहोहरनो खावलायो। हादतजों लोगोसे जौंनि आसाम आरो बिटिआर ओन्सोलाबो गोबां जौगाबाय आरो हादतआव मोनथाम इन्जनिनि सरकार सालायनायाव जौगाखांनाया थад'नाय गैयालासेनो सोलिगासिनो दइ होन्ना मन्थ्रिआ फोरमायबावदों। बे हाबाफारियाव बाहागो लानानै रइज्यो सभानि एमपि रोनगोरा नाजरीआ बिपिएफ दोलोखौं जेबो थांखि गैयै दोलो होन्ना फोरमायो। थांखि गैयै दोलोखायनो बिपिएफनि दैदेनगिरिफोरा दसेनो इउपिपिएल एबा बिजेपियाव हाबनाय हाबाफारिया सोलिगासिनो दइ आरो बारग' मन्थ्रि चन्दन ब्रह्मआ इउपिपिएलआव फैयोब्ला जों दुंबुदयै बरायगोन होन्ना फोरमायो। चन्दन ब्रह्मआ जुदि जौगाखांनायनि सिन्था खालामनानै गोदान मिजिं लाना रइज्योनि खामानि मावनो सान्दोंब्ला इउपिपिएलआ अरायबो बरायनानै बोजबना लागोन होन्ना एमपिआ फोरमायबावयो।□

हाग्रामा महिलारीआ राजखान्थियाव मस्ला ...

अनगायैबो तामुलपुरनि एमएलए जलेन दैमारि, बिटिआरनि थिसनजानाय एमसिएलए हेमन्त कुमार राभा, दरडजुलि बियाबनि एमसिएलए बिजित गोर नाजरीजों लोगोसे बिजेपि, अगप आरो इउपिपिएल दोलोनि गोबां दैदेनगिरि-मावफारियाफोरनो बाहागो लानो हानायखौं नुनो मोन्दों। मावख'खौं बेखेवखांनायनि उनाव मन्थ्रि इउ.जि. ब्रह्मआ खौरंगिरिफोरनि सिगाडव बिपिएफनि गाहाइ हाग्रामा महिलारीखौं रायखानानै गोखों रवजों सोंखारिनायखौं नुनो मोन्दों। आथिखालाव हाग्रामा महिलारीआ राजखान्थियाव मस्ला पुनगासिनो दइ। हाग्रामा महिलारी आरो सुकुर आलि सानैजों एखे। बिपिएफआ आथिखालाव जेबो रोखोमनि सुबुं जथायनो हायाखै। दोलोखौं रैखा खालामनो थाखायल' बिसायख 'थियाव बादायनो आंखारदों। दरं-उदालगुरि लकसभा बियाबनि बिपिएफनि बिजाथि दुर्गादास बर'आ बिजेपिखौं एबा गिबि मन्थ्रि एबा गाहाइ मन्थ्रिखौं रायनो हाया मानोना बिथाडबो आथिखालाव सासे एमएलए। बिजेपि सरकारनि सिडवनो थानानै खामानि मावगासिनो थाप्रा सासे एमएलए महरै दुर्गा दास बर'आ जेबो हेंथा बाश्रा बुंनो हाया। इउपिपिएलखौं रायनानै दरं-उदालगुरियाव देरहासारनायनि सिमां नुनाया हाजो खर'याव खासेव बिदै नागिरनाय बायदि होन्ना मन्थ्रि इउ.जि. ब्रह्मआ गावनि बिबुंथियाव फोरमायदों। कंग्रेस दोलोनि सोमोन्दैबो मन्थ्रिआ बेफ्फुसार बिबुंथि लाखिनानै दरं-उदालगुरियाव कंग्रेसनि जेबो गोहोमखौंनो नुनो मोनाखै होन्नानै मिबथिहोयो। जुथाय सरकारनि बिजाथि दिलिप शइकियाआ दरं-उदालगुरि लकसभा बियाबआव 3 लाख भटनि फारागथियाव देरहासारगोन होन्ना फोरमायनानै रावबो सासेबो बिजाथियानो दिलिप शइकियाजों जुजिनो हानाय गोहो गैया होन्नानै फोरमायबावयो। बेजों लोगोसेनो मन्थ्रिआ कक्राझार लकसभा बियाबआवबो एनडिएनि बिजाथि जयन्त बसुमतारिआनो 6 लाखनि बांसिन भट मोन्नानै देरहासार जागोन होन्नानै मिबथिहोबावयो। नब' कुमार शरनियाआ बे खेबाव बिसायख 'थि गेलेनो हानाय नंला होन्ना रोखा जाखाबाय। गेलेनो हायोमोनब्लाबो शरनियाआ 3 थि मासियावसो थागौमोन होन्ना मन्थ्रिआ फोरमायबावदों। बे हाबाफारियावनो बाहागो लानानै एमएलए जलेन दैमारिआ दरं-उदालगुरियाव एनडिएनि बिजाथि दिलिप शइकियाखौनो देरहाहोहरनानै नरेन्द्र मदिखौं 3 थि खेबनि थाखाय गाहाइ मन्थ्रि खालामनायाव बाहागो लागिरि जानांगौ होन्ना खावलायो।□

सुनबारि-एलेडामारियाव सानै गान्जा ...

शइकिया आरो बासबारि पुलिस आउट पस्टनि बिबानगिरि जयन्त दासनि दैदेन्नायाव सामलायनाय मोनसे नायबिजिरसंनाय हाबाफारियाव सुनबारिनि कुलचान्द रबि दास आरो एलेडामारिनि सनाउद्दिनखौं गान्जाजों लोगोसे पुलिसनि हान्जाया हमनो हायो। पुलिसनि हान्जाया सानैबो दायनिगिरिफोरनिफ्राय गासै 5 कि:ग्रा: 692 ग्राम आइन बेरेखा गान्जा बोखानंो हायो। मख'नो गोनांदि, बे सानै गान्जा फालांगिरिफोरा गोबाव समनिफ्रायनो ओन्सोलायाव गान्जा फानबोगासिनो दंमोन होन्ना पुलिसनि सुलुडव फोरमायदों।□

गभिन्दा-मिथुन चक्रवर्तीआ गिदिर फैसालियाव मोजां मोनलायनायनि थाखाय टिभिनि टिआरपि क्वीन जायो

थांनाय माखासे बोसोरनिफ्रायनो टिभि दारिमिनाव मोनफ्रोमबो नख'राव मोनसे दिन्धिफुनाय नुनो मोनगासिनो दं। बे स्व'नि मुझ 'अनुपमा' आरो बे स्व'आव गहाइ आखुआव दड रुपाली गांगुली, जायखौ सरासनस्त्रायै स्व'आव दोरोडरि स्टाइलआव साड़ी गान्नाय नुनो मोनो। रुपाली गांगुलीहा गोबां अन्सायगिरिफोर दं आरो सुबुंफोरा बिथानि सायाव गोबां अन्नाय होयो। नोंथानि मोजां मोनसिन्नाय फावखुंग्रिया दिने 47 बोसोर बैसोआव आगान होबाय आरो गावनि जोनोम सान फालिदों। रुपाली गांगुलीआ टिभिआव सासे सरासनस्त्रा भारतारि आइजोनि



फाव खालामनो हागौ नाथाय गुबै जिउआव फावखुंग्रिया जोबोद आलादा। रुपाली गांगुलीखौ टिभिनि रानि बुंनाय जायो आरो फिसा फैसालियाव फेनायनि सिगां बलिउडआव मोनसे सिनायथि होदोंमोन।

बिथांजोखौ गोबां सुपारहित जोहोलावफोरनि गहाइ फावखुंग्रिया महैर नायनाय जादों। अनुपमाया गावनि जिउ राहाखौ बैफोर सावथुनफोरजों जागायजेन्दोंमोन, जेराव बिथांखौ 'हीर नम्बर 1' गभिन्दा आरो

'डिस्क डान्सर' मिथुन चक्रवर्तीजों मोसानाय आरो खबामआव नुनो मोन्नाय जादोंमोन। रुपालीआ सावथुनफोराव गभिन्दा आरो मिथुन चक्रवर्तीजों रमान्स् खालामदोंमोन। रुपालीआ

गभिन्दानि 1997 माइथायनि सावथुन 'दो आखें बारा हाथ' नि गहाइ फावखुंग्रियोन। गभिन्दाजों सावथुनाव फेनायनि सिगां, फावखुंग्रि रुपाली गांगुलीआ 1996 माइथायनि सावथुन 'अंगाराय'आव बलिउडनि मुंदांखा फावखुंग्रि मिथुन चक्रवर्तीजों लोगोसे खामानि मावदों। बै समाव रुपाली गांगुलीनि बैसोआ 19 बोसोरल'मोन, जेराव मिथुन चक्रवर्तीनि बैसोआ 45 बोसोरमोन। सावथुनाव बिसोर सानैनिबो के मिस्ट्रीआ सोमोनांथावमोन। रुपाली गांगुलीनि बिफा अनिल गांगुलीआ सासे मुंदांखा दिथागिरिमोन। बिथाड गोबां हायुंआरि बान्था मोनगिरि सावथुनफोर बानायदोंमोन। बिथाड गिबि खेबनि थाखाय मिथुन चक्रवर्तीखौबो जागायदों। फावखुंग्रिया 2000 माइथायाव टिभि सिरियाल 'सुकन्या' जों टिभिआव गावनि जिउ राहाखौ जुरिजेनदोंमोन। बिनि उनाव बिथाड 2003 माइथायाव टिभि दिन्धिफुनाय 'संजीवनी' आव नुजादोंमोन। 'संजीवनी' आव बिथाड ड. सिमरन चपड़ानि फाव खालामदोंमोन। बिनि उनाव बिथाड बयखौबो मिनिहोनो थाखाय सिशेल 'साराभाइ भिएस साराभाइ' आव मनीषा जायो, जाय बिथांनि बयनिखुइ बांसिन मोजां मोनजानाय आखुबो। फावखुंग्रिया 'बिग बस' निबो बाहागोमोन। फावखुंग्रिया फिसाज्ला मोनखानायनि उनाव मोनसे गोलाव ब्रेक लादोंमोन, नाथाय फिन बिथाड 'अनुपमा' जों टिभिआव फाव खालाम फेफिन्दोंमोन।

रश्मिका मन्दनाया 'पुष्पा 2' निफ्राय श्रीभलीनि गिबि नुथायखौ सेयार खालामदों



पुष्पा 2:दा रुल'आ 2024 माइथायनि बयनिखुइ नेजानाय सावथुनफोरनि गेजेराव मोनसे। आल्लु अर्जुन आरो रश्मिका मन्दनाया फिन खेबसेबाव बे सावथुनजों बक्स अफिसआव दोहौ सोमजिहोनो थियारि जाबाय। सुबुंफोरा गोबाव समनिफ्रायनो ब्रेसबीनिफ्राय 'पुष्पा 2' नि रिलिजखौ नेगासिनो दं। 'पुष्पा 2' नि बानायगिरिफोरा 8 एप्रिलाव

आल्लु अर्जुननि जोनोम सानाव सावथुननि गिबि टीजारखौ फोसावदोंमोन, नाथाय बेनि सिगां श्रीभलीनि अन्सायगिरिफोरा हायुंआरि क्रास रश्मिका मन्दनाया जोनोम सानाव मोनसे सारप्राइज मोन्दों। रश्मिका मन्दनाया 'पुष्पा 2' नि गिबि नुथायखौ सशेल मिडियाआव शेरार खालामदों। 'पुष्पा 2' नि बे पस्टाराव रश्मिकाया श्रीभलीनि फावआव

जोबोद गोखों नुथाय दिन्धिदों। रश्मिका मन्दनाखौ गोथां गाबनि साड़ी, सिन्दुर, आखाइयाव गोथां-गोजा खुन्दुं गान्नाय नुनो मोन्दों। एखे समावनो फावखुंग्रि रश्मिका मन्दनाखौ जान्जि, गन्थं आरो गोदोनायाव मंगलसुत्रजों लोगोसे माला गान्नायै जोबोद समाइना नुनो मोनो। फावखुंग्रिया बे नुथायखौ गोजा बिन्दी, मेगनाव मस्कारा, लिपस्टिक आरो खानाइ बान्निजों फोजोबदों। सावथुननि टीजार रिलिजखौ फिन खेबसेबाव 'पुष्पा 2' नि बे पस्टारजों फोसावनाय जादों, जाय 8 एप्रिलाव रिलीज जागोन। बेनि सिगाडाव बानायगिरिफोरा 'पुष्पा 2' नि अटीटी रिलीजखौबो फोसावदोंमोन। बे सावथुनखौ नेटफिलक्सआव रिलीज

खालामनाय जागोन। अटीटी प्लेटफर्मआव गावनि इन्स्टाग्राम एकाउन्टआव मोनसे पस्ट शेरार खालामनायै बे फोरमायथिखौ होदों। बेजों लोगोसे सुबुंफोरा सशेल मिडियाआव फावखुंग्रिनि नुथायखौ जोबोद मोजां मोन्दों। पुष्पा 2 खौ थाबैनो नेटफिलक्सआव हिन्दी, तामिल, तेलुगु, मालायालम आरो कन्नुडआव नुनो मोनगोन। दिथागिरि सुकुमारनि सावथुन 'पुष्पा: दा राइज' नि उनाव, अल्लु अर्जुन, रश्मिका मन्दना आरो फहद फासिलखौ बे सुपारहित सावथुन 'पुष्पा 2: दा रुल' नि सिक्वेलआव गावसोरनि आखुफोरखौ दिन्धिनाय नुनो मोनगोन। पुष्पा 2 आबो आथिखालाव बक्स अफिसआव कौटि रां आर्जिनो थियारि।

भिजय देबरकन्डा-मृणाल ठाकुरआ नायगिरिफोरनि सायाव जादु खालामदों

भिजय देबरकन्डा-मृणाल ठाकुर स्टारर 'फेमिली स्टार' आ दिने 5 एप्रिल 2024 माइथायाव रिलिज जागोन। बबेखानि बे सावथुनखौ भारतआव फोसावनायनि सानसे सिगां 4 एप्रिलाव आमेरिकायाव प्रीमियर खालामनाय जादोंमोन। भिजय देबरकन्डा आरो मृणाल ठाकुरखौ 'फेमिली स्टार'आव गिबि खेबनि थाखाय फैसालियाव सानैजों रमान्स् खालामनाय नुनो मोन्दों। गुबुन फारसेथि जुदि नोंथाडबो बे सप्ताहनि जोबनायाव गावनि नख'र एबा लोगोफोरजों बे सावथुनखौ नायनो सान्दों अब्ला बेनि सिगां नोंथाड 'फेमिली स्टार' नि टिवटर रिभिउखौ फरायनांगौ। सावथुना समाजारि बिजोडव फिनजाथाय मोनगासिनो दड, नाथाय भिजय देबरकन्डा आरो मृणाल ठाकुरनि रमान्स्के केमिस्ट्रीखौ सुबुंफोरा जोबोद मोजां मोनो। सासे बाहायगिरिया नख'रारि स्टार 'क्रिग स्टार' बुंदों आरो लिरदोंमोनदि, 80 जौथाइनि सल'खौ बिजिरनाय जादों आरो सावथुना जोबोद बाख्नायजाथाव। बे गोलाव सावथुन जाय 3 घन्टासिम सोलियो आरो बेवहाय मोन 2 मेथाइफोर दड। माखासे सुबुंफोर दं, जाय सावथुनखौ मोजां मोनो आरो सावथुनाव भिजय देबरकन्डा आरो मृणाल



ठाकुरनि के मिस्ट्रीखौ बाख्नायदों। लिअ' दास मुनि सासे बाहायगिरिया लिरदोंदि, आनि स्व'आ फेमिली स्टार। भिडि मृणालनि केमिस्ट्रीया मोजां। नैथि बाहागोआव सावथुनखौ समायनायै दिन्धिनाय जादों। सावथुननि सल'खौ बाख्नायनायै गुबुन सासेआ लिरदोंदि, मोनफ्रोमबो गेजेर थाखोनि नख'रा बे सावथुनखौ नायनांगौ। मोजां इन्टरभेल आरो टिवस्ट नुनो मोन्नाय जादों। नोंथाड सावथुननि माखासे नुथायफोरखौ नेवसिनो हाया। भिजय देबरकन्डा-मृणाल ठाकुरआ 'फेमिली स्टार'आव गहाइ फावआव नुजादों। बियो भिजय देबरकन्डाजों दिथागिरि परशुरामनि नैथि सावथुन। बेनि सिगाडाव सानैबो 2018 माइथायनि सावथुन गीता गभिन्दाआव जयै खामानि

मावदोंमोन, जेराव भिजय देबरकन्डाया गावनि अनजालि बिंसि रश्मिका मन्दनाजों लोगोसे नुजादोंमोन।

शाहिद कापुर आरो कृति सेनननि रमान्स्के कमेडि सावथुन 'तेरी बातों में ऐसा उलझा जिया' आ रिलिज जाबाय आरो अन्सायगिरिफोरनि जुनिया अन्नाय मोन्दों। गिबि खेबनि थाखाय शाहिद-कृतिखौ पर्दायाव जयै रमान्स् खालामनाय नुनो मोन्दों। बे सावथुनाव सानैनिबो सिजलिं केमिस्ट्रीखौ सुबुंफोरा मोजां मोनो। बे सावथुना अटिटि रिलिजनि थाखाय फिन खेबसेबाव सोराडव फेदों। थियेटरफोरनि उनाव सावथुनखौ आथिखालाव अटिटि प्लेटफर्मआव रिलिज खालामनाय जाबाय। गोबां

भाशु भगनानीनि दाबि 'बड़े मियां छटे मियां'आ 1100 कौटि रां आर्जिगोन

जेब्लानिफ्राय अक्षय कुमार आरो टाइगर श्रफनि 'बड़े मियां छटे मियां' नि पस्टार आरो ट्रेलारआ रिलिज जादों बे सावथुना जेरावबो गोबां सावरायजागासिनो दं। 2024 माइथायनि बयजोंबो नेजानाय सावथुनफोरनि गेजेराव मोनसे आरो बे सावथुना इदनि फालिथायाव 10 एप्रिल 2024 खालि सिनेमाहलफोराव रिलिज जागोन। बक्स अफिसआव सावथुन 'बड़े मियां छटे मियां' आ अजय देभगान स्टारर 'मैदान' जों बादायलायगोन। एखे समावनो सावथुननि रिलिजनि सानबा सिगां 'बड़े मियां छटे मियां' नि दिहुनगिरि



भाशु भगनानीआ बक्स अफिसाव रां बुधुमनायनि बागै मोनसे गिदिर दाबि खालामदों। अक्षय कुमार आरो टाइगर श्रफनि अन्सायगिरिफोरनि थाखाय मोजां खौरादि, सावथुन 'बड़े मियां छटे मियां' नि दिहुनगिरि भाशु भगनानीखौ सशेल मिडियाआव भाइरेल जाबाय थानाय मोनसे

भाशु भगनानीआ बक्स अफिसाव रां बुधुमनायनि बागै मोनसे गिदिर दाबि खालामदों। अक्षय कुमार आरो टाइगर श्रफनि अन्सायगिरिफोरनि थाखाय मोजां खौरादि, सावथुन 'बड़े मियां छटे मियां' नि दिहुनगिरि भाशु भगनानीखौ सशेल मिडियाआव भाइरेल जाबाय थानाय मोनसे

भिडिअ'आव दाबि खालामनाय नुनो मोन्दोंदि, सावथुना मुलुगानाडै बक्स अफिसआव 1100 कौटि रां आर्जिगोन। बे बाथाखौ जेकी भगनानीनि रिलिजजों लोगोसे मुंदांखा जादों। 45.85 कौटि रां बाहायनायै बानायनाय बे सावथुना बक्स अफिसआव 133 कौटि रां आर्जिदों। अमित जशी आरो आराधना सहजों दिथाहोजानाय सावथुन तेरी बातों में ऐसा उलझा जिया आ 9 फेब्रुवारी 2024 माइथायाव रिलिज जादोंमोन। बे सावथुनाव शाहिद कापुर आरो कृति सेनननि अन्नाययैबो मुंदांखा फावखुंग्रि धर्मेन्द्र आरो डिम्पल कपाडियाबो नुजादों। बे सावथुननि गेजेरजों शाहिद कापुरआ फ्राय 2 बोसोरनि उनाव गिदिर फैसालियाव फेफिन्दों।

बिफाया गावनो रोखा खालामदों। बे भिडिअ'आव जेकी भगनानी आरो भाशु भगनानीखौ कारआव जिरायनाय नुनो मोन्नाय जादों। बे गोखे सोलिबाय थानाय भाइरेल क्लिपआव जेकी भगनानीखौ गावनि बिफाजों फेनो गोनां सावथुन 'बड़े मियां छटे मियां' नि खामायनायनि बागै रायज्जलायनाय नुनो मोन्दों। जेकी भगनानीआ भिडिअ'आव गावनि बिफा भाशु भगनानीनि खाथियाव थाडो, जाय खुसिजों फोरमायोदि, सावथुना मुलुगानाडै 1100 कौटि रां आर्जिगोन। भिडिअ'आव भाशुआ बुडैदि, जिंगा दासि मुलुगानाडै 1100 कौटिआ रोखा। बे भिडिअ'आ सशेल मिडियाआव सावरायजाबाय थायो। शाहर ख खाननि सावथुन 'जवान'आ थांनाय बोसोराव 1100 कौटिनि बांसिन आर्जिनानै रेकड बानायदोंमोन। बे सावथुना मुलुगानाडै 1148.32 कौटि खामायदोंमोन। बेनि सिगाडाव बिथानि सावथुन 'पाठान'आबो बक्स अफिसआव गोबां खामायनो हादोंमोन। 350 कौटि रांनि बाजेटजों बानायजानाय 'बड़े मियां छटे मियां' खौ जेकी भगनानी, भाशु भगनानी, दीपशिखा देशमुख आरो हिमांशु किशन मेहराया दिहुन्दों।

गाहाम देहानि राहा

गोलोम बोथोरनि मोन 5 फिथाइफोरखौ डाइटआव बाहायोब्ला दानसेनि गेजेरावनो लिरथाइ सोलायनायाव गोहोम गोग्लैनाय नुनो मोनगोन

गोलोम बोथोरनि सानफोराव नोंथाड गोरलैयैनो लिरथायखौ बाडइ खालामनो हायो। बेनि गुबै जाहोना जाबाय उखैनाय आरो गांनाय। सानसे जायाबाबो माबा मोनसे लावलाव मुवा लोंनो लुबैयो। आदारआ लिरथाइखौ बाडइ खालामनायाव गोनांथार बिफाव लायो। जाग्रा आदारआव बेबादि बेसादफोरखौ सोफादेर जाय गोखे लिरथाय खामायनायाव मदद होयो। बेनि थाखाय गोलोम बोथोराव मोन्नाय बोथोरांरि फिथाइफोरखौ लाफा। बे फिथाइफोरनि दैनि बिबाड जोबोद गोबां जायनि जाहोनाव उदैया गोरलैयै आबुं जायो आरो फाइबारजों बुंफबनायनि जाहोनाव गोबाव समसिम उखैनाय मोन्दा। गोलोम बोथोरनि बेफोर फिथाइफोरखौ गावनि लिरथाय खामायनाय आदारआव सोफादेर।



लुबैनायनिफ्राय होबथायो। **मास्कमेलन:-** मोदोम देरनायखौ बाडइ खालामनो थाखाय जाग्रा आदारआव मास्कमेलनखौ सोफादेर। गोलोम बोथोराव मास्कमेलनआ लिरथाइनि सायाव मोजाडै खामानि मावो। मास्कमेलनआव केलरि बाडइ आरो गोबां दै थायो। बेबादि थासारायारव दैजों बुंफबनाय फिथाइ-सामथाय जानाया उदैखौ गोबाव समसिम आबुं खालामना लाखियो। बेयो उखैनायखौ दबथायना दोनो। मास्कमेलनआव फाइबार थायो जाय हजम खालामनायखौ मोजाडै लाखियो।

गोखे फिथाइ किविखौबो गोबां बिबाडव मोननो हायो। भिटाभिन सिजों बुंफबनाय किविआबो लिरथाइखौ बाडइ खालामनायाव मोजाडैखामानि मावो। किविआव भिटाभिन के, फलेट आरो फाइबार थायो, जाय लिरथाय खामायनायाव मदद खालामो। मोनसे बिजिर संनायाव मोन्नाय जादोंदि, जाय सुबुंफोरा किवि जाबाय थायो बिसोरनि बिपि आरो जान्जिन अरथाइया गाहाय जायो।

थाइबं:- गोलोम बोथोराव थाइबं फिथाइ जानाया देहानि थाखाय मुलाम्फा गोनां होन्ना मानिनाय जायो। थाइबं जानाया गोरलैयैनो उदैखौ आबुं खालामो आरो हजम खालामनाया मोजां। लिरथाय खामायनाय आदारआव खुमन्नाखौ सालाद महैर जा। गोलोम बोथोराव खुमन्ना जानाया दै गैयैनि जाहोन जाया। जानायनि सिगां 1 प्लेट थाइबं जायोब्ला नोंथाड एसेल' उखैनाय मोनो। थाइबंआबो हजम जानो सम लायो जाहाथे नोंथाड बांदाय जानायनिफ्राय गोजानाव थायो।

क्रिवि:- गोलोम बोथोराव

आरबिआइनि गबर्नरआ रांखांन्थि बोसोर 2024-25 नि सिपिआइखौ 4.5 जौखोन्दो हमदांदों

गोदान दिल्ली, 5 एप्रिल: भारतयारि रिजार्भ बँकनि गभर्नर शक्तिकान्त दासआ सोलिफु रांखांन्थि बोसोरनि गिबि दानआरि मौद्रिक नायसंनायखौ दिन्थिनानै शुक्रबरआव बेसेन बांनय आयदानि सायाव मोजां खौरां होदों। बिथाडा बुंदों, बे बोसोराव दैज्जानि थासारिया सरसनस्त्रा थानायनि आसा दड। बेनि गेजेरजों सोलिफु रांखांन्थि बोसोरनि थाखाय सिपिआइखौ बिथा खालामनाय बेसेन बांनया 4.5 जौखोन्दोआव थानो हागौ। बेयो सिगांनि रांखांन्थि बोसोरनिफ्राय खमसिन। मोनसे बाथा फावजों रुजुनानै बिथाडा



मैदेर (बेसेन बांनय) आ थाबायगलां हैदों आरो आरबिआइआ बेखौ हाग्रायावो थानो लुबैयो होनानैबो बुदों। मिरु सरकरआ आरबिआइओ कन्जुमार प्राइज इन्डेक्सखौ बिथा खालामनाय रांखांन्थि बांनयखौ

4 जौखोन्दोनि थाखोआव दोन्नांगौनि थांखि होदों। आरबिआइआ सोलिफु रांखांन्थि बोसोरनि थाखाय बेसेन बांनयखौ 4.5 जौखोन्दो थि खालामदों। थानाय रांखांन्थि बोसोर 2023-24 नि 5.4

जौखोन्दो हमदांनयनिफ्राय बेयो खमसिन। आरबिआइनि बायदिब्ला, गिबि 3 दानआव रांखांन्थि बांनया 4.9 जौखोन्दो, नैथि 3 दानाव 3.8 जौखोन्दो, थामथि 3 दानाव 4.6 जौखोन्दो आगे त्रैथि 3 दानाव 4.6 जौखोन्दोये थानो हागौ। दासआ एप्रिल-जुनि गेजेरव गोजौ हमदांनयखौ नोजोर होना जाग्रा मुवाफोरनि बेसेनफोरनि आयदायाव सांग्राडै थानांगोननि रांखांन्थि बोसोर 2024-25नि थाखाय जिडिपि प्रट्टि हसखौ 7 जौखोन्दो आव थागोन होना थि खालामदों। बेयो 2023-24 आव हमदांनय 7.6 जौखोन्दोनिखुइ खमसिन।

इजराइलआ इराननि रिवथेर लानो समायरिवरा लानायनि उनाव रैरवाथिरवौ बांहोदों

जेरुशालेम, 5 एप्रिल: दमिश्कआव थानाय इराननि थान्दै मावख'आव उरां जाहाजजों गाग्लोबनायनि उनाव इराननि खिथेर लानो समायखिरा लानायनि उनाव इजराइलआ गावसोरनि रैखाथिखौ बांहोदों। रैखाथि मावसुमाफोरनि छुट्टिफोरखौ होबथानानै बिसोरखौ एलार्टाव थानो बिथोन होदों। अदेबानि थानाय 2023 नि 7 अक्टबरआव हमासनि गाग्लोबनायनि उन्निक्राय इजराइलनि सान्थिफोर एलार्टाव दडआरो 3 लाख आरक्षित सान्थिफोरखौबो लिंहरबाय। नाथाय इराननि समायखिरा



लानायनि उनाव सांग्रांथिनि थाखोखौ बांहोदों। थानाय समबारकालि उरां जाहाजजों गाग्लोबनायाव इराननि थान्दै मावख'आव थिसन्नाय इराननि सानै जेनेरेलआ जिउ गोमादोंमोन। बे गाग्लोबनायखौ इजराइलनि सायाव सन्देह खालामदों। गाजायाव सा 3 ब्रिटिश रैखाथि मावसुमाफोरा इजराइलनि गाग्लोबनायाव थैनायनि उनाव ब्रिटेननि बिजिरगिरि आरो संगालि जर'खागिरिफोरा इजराइलनो हाथियारफोर फान्नायखौ होबथानो सरकारनाव दाबि दैखांदों। 600 निखुइ बांसिन आइनारि फालांगिजों सोमोन्दो गोनां सुबुंफोर आरो संगालि

जर'खागिरिफोरा ब्रिटेन सरकारखौ गाजायाव सोलिबाय थानाय बुथारलुंनयनिफ्राय जानगारआव थानो बुडो। इजराइलनो हाथियारफोर फान्नायखौ होबथानो थाखाय माखासे गुबुन इउरपिय हादरफोरावबो दाबि दैखांगिसिनो दड। बेनि गेजेरजों इजराइलआ बुडोदि, सा 7 रैखाथि मावसुमाफोर थैनाय जाथायखौ नायबिजिरनाया आबुं जानो माखासे सप्ताहसिम नांवावो हागौ। आमेरिकानि हादरगिरि ज' बाइडेनआ गाग्लोबनाय जाथायखौ नायबिजिरनायखौ थाबैनो आबुं खालामनो आरो गाग्लोबनायनि थाखाय दायखौ थि खालामनो

थिनो। बेनि गेजेरजों इजराइलनि वार केबिनेटआव थानाय बेरेखा दोलोनि दैदेनगिरि बेनी गेटजआ मासि नागारनो हुमखि होयो। बिथाडा बुंदोंदि, नेतन्याहु सरकारआ थाबैनो हादर सिनि राहाखौ फोजोबनांगो आरो थाबैनो बिसायख'थि खुंनानै गोबां भट मोन्याय सरकार दानायनि लामाखौ सां खालामनांगौ। मानोना गोखों सरक 1 र आ 1 से फिलिस्ताइनीफोरनि जेंनाखौ सुसंनयायव जाफुसरोनो हागोन। गेटजआ गाजा दावहानि समाव नेतन्याहु सरकारनि माखासे थांखिफोरखौ लानानै सिगाडावबो गोजोनै फोरमायखांबाय।

इजराइल हामास दावहानि गेजेरजों इजराइलआ गिदिर थांखि लादों

जेरुजालेम, 5 एप्रिल : इजराइल आरो हामासनि गेजेरव सोलिनाय दावहानि गेजेरजों दासिमनि बयनिखुइ देरसिन रेहाय गोनां खौराड नुजाथिदों। सिगांनि रुजुनायाव आथिखालाव इजराइलनि आखु दिन्थिनायाव गुरुंसिन नुनो मोनगासिनो दड। बेनि गेजेरजों इजराइलनि फारसेनिफ्राय शुक्रबारखालि बुडोदि, बिसोर गाजापट्टियाव सुबुंथियारि हेफाजाब सौहैहोनो थाखाय थांखि लगासिनो दड। बेयाव गाजियै गोहोम गोलैनाय सा गाजानि मोनसे सिमनाखौ खुलिना होफिन्नायाबो दंफायो। इजराइलनि गाहाइ मन्थि बेन्जामिन नेतन्याहुनि मावख'या बे बिथांखिफोरखौ फोसावना होदों। इजराइलनि फारसेनिफ्राय बे खौराखौ आमेरिकानि हादतगिरि ज' बाइडेन आरो



नेतन्याहुनि गेजेरव फनआव सावरयनायनि उनाव फोसावदों। बेनि सिगां फनआव सानै दैदेनगिरिनि गेजेरव सावरयनाय जादोंमोन। बे सावरयनाय समाव आमेरिकानि हादतगिरिया रोखायै बुंदोंमोनदि, गाजायाव दावहानि थाखाय इयुननि आमेरिकानि मदतगिरि नोगोरारिफोर आरो हेफाजाब

होग्रा मावसुमाफोरनि रैखाथिनि थाखाय इजराइलनि फारसेनिफ्राय बांसिन थांखि लानायनि सायाव सोनारगोन। आथिखालाव इजराइलनि फारसेनिफ्राय फोसावनायाव बबे बेसादखौ फेनो हागोन आरो बेसेबां बिबाडै दैथाइहरनाय जागोन बे बाथाखौ फोरमायाखै। बेनि गेजेरजों बेखौ मिबथिनो

गोनांथि दडदि, फारागथि दिन्थिसेयावबो बाइडेन खुंथाया हामासनि हेंथायै इजराइलनो दावहानि थाखाय मख'जाथाव सान्थियारि हेफाजाब आरो राजखान्थियारि मदत होनायखौ सोलिलां होबाय थागोन। गाजायाव जाग्रा आदार दैथाइहरनायाव मदत खालामग्रा सा 7 हेफाजाबगिरि

मावसुमाफोर थैनायनि उनाव इजराइलआ हारिमायारि सौंखारिनायजों मोगा-मोगि जानांगिसिनो दड। बेनि गेजेरजों गाजानि सावस्त्रियारि मावख'आ बुडोदि, थानाय बृहस्पतिबरखालि फिलिस्ताइनआव थैनायफोरनि अन्जिमया 33,000 निखुइ बांसिन जाबाय आरो 75,600 गुबुन सुबुंफोर जोखोम जानानै दड।

कच्चाथिभु द्वीपखौ लानानै श्रीलंकायाबो फिन्नाय होदों



कलम्ब, 5 एप्रिल: श्रीलंकानि मोसौ फिसिग्रा बिफाननि मन्थि डगलास देभान्दआ बुंदोंदि, कच्चाथिभु द्वीपखौ श्रीलंकानिफ्राय लाफिन्नायनि सोमोन्दे भारतनिफ्राय फेनाय बिबुंथिफोरा जेबो गुदि बिथा गैयै। भारतनि गाहाइ मन्थिआ बे आयदायाव बिबुंथि होनायनि उनाव बिथानि बिबुंथिआ सोराडव फेदों। तामिलनाडुआव कंग्रेस पार्टी आरो बेनि हेफाजाबगिरि डिएमके नि सायावबो नरेन्द्र मदिआ गाग्लोबदों। बेसोर मोननै दोलोनि सायाव 1974 माइथायाव कच्चाथिभु द्वीपखौ श्रीलंकानो गथायनायाव माहारियारि हितफोरखौ नोजोर होयाखै होनानै गाहाइ मन्थि

मदिआ दाय जाबसिन्दों। मख'जाथावदि, श्रीलंकानि मन्थि डगलासआ बुंदोंदि, बेयो भारतआव बिसायख'थि खुंनयनि सम, कच्चाथिभुनि बागै दाबि दैखानाय आरो मोनफ्रोम दाबिखौ खोनासंथाव नडा। भारतआ गावनि

हितफोरखौ नोजोर होनानै बे जायगाखौ गावनि खालामनो हाबा मावदों, जाहाथे श्रीलंकानि ना हमग्राफोर बै ओन्सोलसिम रावबो सौहैनो हायैखौ रोखा खालामनो हायो आरो श्रीलंकानि जोन्थोरजों लोमोसे बे ओन्सोलाव गावनि दाबिखौ

जाहाथे दैखानो हाया। 1974 नि रादाय बादियै फारनैथिनिबो ना हमग्राफोर दरनैबो हादरफोरनि ओन्सोलारि दैयाव ना हमनो हायो। नाथाय उनाव बेखौ नायसंनय जायो आरो 1976 आव बेखौ सोदंनय जायो। सोदंनय बादियै दपनैबो हादरनि ना हमग्राफोरा न'सुसे दै बाहागोआव ना हमनायखौ होबथानाय जादों। देबानन्दआ बुहोदि, वेस्ट बँक मुनि मोनसे जायगा दडहोना दाबि दैखानाय जायो, जाय कन्याकुमारिनि आफाडाव दड। बेयो गुवार लैथोमायारि धोनजों मोनसे गिदिर ओन्सोल। बेयो कच्चाथिभुनिफ्राय 80 गुन देरसिन, भारतआ बेखौ 1976 नि नायसंनय गोरोबथा एबा रदाइआव रोखा खालामनाय जादोंमोन।

पाकिस्तानाव हाबफेना भारतआ उतखारिखौ साफा-साफा फोजोबदों होना ब्रिटिस खौरां बिलाइयाव दाबि दैखांदों

गोदान दिल्ली, 5 एप्रिल : पाकिस्ताननो भारतआ मोनफ्रोम आयदायावबो गोखों फिनजाथाइ होयो। सांजिकेल स्ट्राइक एबा इन्टारनेशनल स्टेजआवनो जायामानो पाकिस्ताननो गोखोडै फिन्नाय होयो। फारसेथि न'सुसे हादतआव भारतनि सुथुरफोराबो फारियै जोबलांगिसिनो। बेखौ लानानै ब्रिटिस खौरां बिलाइ डा गाजियानआ गिदिर दाबि दैखांदों आरो बुंदोंदि, बेनि आन्दोआव भारतनि आखाय दड। भारतनि संगालि एजेन्सि र'आ बेयाव आखाय दड। रिपर्टआव बुंवावनाय जादोंदि, भारतनि गाहाइ मन्थि मदिआनो बेनि बिथोन होयो। मानोना र'खौ बिथाडानो सामलायो।



बेनि अनगायै बे सुथुरफोरखौबो गुबुन हादतफोराव फोजोबसगांसिनो, जाय भारतनि थाखाय खैफोद गोनां होनाबो दाबि दैखानाय जादों रिपर्टआव। अदेबानि ब्रिटिस मिडियानि दाबि दैखानायफोरखौ भारत सरकार नेवसिगारो। सरकारा दाय जाबसिन्नायफोरखौ आबुडै नेवसिगारानै बुडोदि, भारतआ

माब्लाबाबो गनायथावै आयदाफोराव आखाय होया। रिपर्टआव बुंनय बायदिब्ला भारतआ 2019 आव पुलवामा गाग्लोबनायनि उन्निक्राय माहारियारि रैखाथिनि थाखाय मोनसे साहज गोनां नोजोरै अपारेशन खालामदों। 2020 नि उन्निक्राय पाकिस्तानआव सा 20 बुथारदों, जायखौ सिनायमोनै हाथियार दैग्राफोरा मोगथां महर

होदों होनाबो बुंदों, सिगां फारसे बुंवावोदि, 2022 आव करारियाव गुलि गावनाय जाथायखौ जाफुंसार होनो थाखाय आफ गान नोगोरारिफोरनो घुस महरै गोबां लाख रां होदोंमोन। बिसोरो सिमा बानानै खारलांदों, नाथाय बिसोरनि गाहायखौ उनाव पाकिस्ताननो रैखाथि एजेन्सिफोरा हमो। जेश-ए-महम्मदनि कामान्दार शाहिद लतिफखौबो पाकिस्तानाव बुथारहोदों। बेखौबो दाबि दैखांदोंदि, पाकिस्तानि नायबिजिरग्राफोरा मोन्दादि, बुथारग्राफोरखौ संदानायनि थाखाय मोनसे स्रोद भारतारी एजेन्टआ लाख-लाख रां होदोंमोन।

आमेरिका आरो ब्रिटेननि गाग्लोबनायाव सा 37 सुबुंफोरनि जिउ रवहा



कायर, 5 एप्रिल: हुति बिग्रायारिफोरा दाबि दैखानाय बायदिब्ला, यमनआव आमेरिका आरो ब्रिटिशनि उरां जाहाजजों गाग्लोबनायाव सा 37 सुबुंफोरनि जिउ गोमायो। बेरफारसे, सा 30 सुबुंफोरा जोखोम जायो। हुति बिग्रायारिफोरा यमनआव गासै मोन 424 केम्पफोरनि सायाव उरां जाहाजजों गाग्लोबदों। इजराइल-हामास दावहायाव फिलिस्ताइनखौ मदत खालामबाय थानाय हुति बिग्रायारिफोरा माखासे सानफोर

सिगां रेड सियाव हारिमायारि जाहाजनि सायाव गाग्लोबो। फेब्रुवारी दाननिफ्राय लान्थिये आमेरिका आरो ब्रिटेननि फारसेनिफ्राय हुति बिग्रायारिफोरनि सायाव नायबिजिरग्रासिनो दड' हुति बिग्रायारिफोरनि गाग्लोबनायनि जाहोनाव हारिमायारि फालांगिनि सायाव गाजियै गोहोम गोसलैगासिनो दड'। रेड सिनि फारसे दावबायग्रा माखासे जाहाजफोरखौ आफ्रिकानि खोला बाहागोआव गोलाव लामाजों दावबायनांगिसिनो दड', जाय

गोबां बेसेन गोसाबो। सुलुनि बायदिब्ला, हुतिआ इराननिफ्राय मदत मोनो। बेगुपखौ 1990 याव हुसेन अल हुतिआ दादोंमोन। हुतिफोरा यमननि बै समनि हादतगिरि आलि आबुल्ला सालेहनि गेना खांन्थिनि दाय जाबसिन्नानै बिनि खुंथाइनि हेंथायै सोमावसारदोंमोन। बियो गावखौनो 'अन्सार अल्लाह' एबा इसोरनि लोमोबो बुडो। आथिखालाव हुति बिग्रायारिफोरनि नोजोराव बै हादतआ दड, जाय इजराइलखौ मदत खालामगासिनो दड'।

ब्रिटिश कुइज टुर्नामेन्टनि फाइनालआव सौरजीत देबनाथआ सौहैबाय

लन्डन, 5 एप्रिल: इसर'नि अख्रामा यान बानायग्रा ब्रान्च इउआर. राव स्पेस सेन्टरआव हाबा मावबोखानाय सौरजेत देबनाथआ ब्रिटेनआव टेलिभिजननि बयनिखुइबो गोब्राबसिन होना गनायजानाय कुइज टुर्नामेन्टनि जोबथा खोलोबाव जायगा आवग्रिनो हादों। बिथाडा इम्पिरिएल कलेज लन्डननि सा 4 सोदोमायारि हान्जायाव थाफागोन। कम्प्युटेशनेल साइन्सआव डिग्री लानाय कलकतानि सौरजीतआ रबर मिशन चन्द्रयान-2 आवबो



हाबा मावखांबाय। बिबिसिनि इडनिभासिंटि चेलेन्ज ग्रेन्ड फाइनालआव इडनिभासिंटि

कलेज लन्डनजों बिथानि हान्जाया मोगा-मोगि जागोन। बिबिसिजों दिन्थि जानाय

टिभिनि बयनिखुइबो गोब्राबसिन टुर्नामेन्ट महराव भर्णित इडनिभासिंटि

चेलेन्सखौ ब्रिटिश भारतीय दिन्थिहरग्रा अमल राजनआ दैदेनो। ब्रिटेननि जौसिन इडनिभासिंटिफोरनि फरायसा हान्जाया कुइजआव बाहागो लायो। देबनाथआ बुंदोंदि, बे ब्रिटिश फसंथाननि जारिमिननि बाहागो जानो खाबु मोन्यायाव सन्मान गोनां मोन्दांथिदों। इम्पिरियेल कलेज लन्डनआव देबनाथआ डिपार्टमेन्ट अफ आर्थ साइन्स एन्ड इन्जिनियारिआव एप्टाइड कम्प्युटेशनेल साइन्स आरो इन्जिनियारिआव मास्टर डिग्री लानाय।

आइपिएल 2024 आव अरेज आरो पार्ल केपनि रेसआव गुजरातनि हान्जाया आवगायदों

गोदान दिल्ली, 5 एप्रिल: इन्डियन प्रिमियर लीगनि सोलिफु सिजननि मेचआव खेबफ्रोम मेचनि उनाव पइन्टनि फारिआव सोलायनाय फेदों। मेच गेलेनाय हान्जाफोरनि जेन्नाय आरो देरहानायजों बिसोरनि पइन्टनि फारिआव जायगा आवग्रिनायावबो सोलायनाय फेदों। बेबादि थासारिआव गेलेगिरिफोरनि गेजेराव अरेज आरो पार्ल केपनि रेसआवबो सोलायनाय फेगासिनो। गुजरातनि हान्जाया थांनय मेचआव जेन्दाब्लोबो शुभमन गीलआ बेटिनि फोथारिआव मुलाम्फा मोन्दों। गुबुन फार्से महित शर्माआ पार्ल केपनि रेसआव सिगांसिनआव सौहैबाय। सोलिफु बोसोरनि आइपिएल लीगआव दासिमआव बयनिखुइबो बार्सिन रान लानायनि मुडा आरसिबिनि गेलेगिरि भिरट कहलीनि मुडव दड। बिथाडा खेबब्रे मेचआव 203 रान लाबाय। जायनि गेजेराव कहलीआ खेबनै हाफ सेन्सुरिबो लादों। नैथि



नम्बरआव रियान परागआ खेबथाम मेचआव 181 रानजों जायगा मोनो। जायनि फारिआव बिथाडाबो खेबनै हाफ सेन्सुरि लादों मोन। सानराइजार्स हाइड्राबादिन हेनरिक क्लासेनआ खेबथाम मेचआव 167 रानजों थामथि नम्बरआव जायगा मोनो। बेनि उनाव खेबब्रे मेचआव 164 रानजों शुभमन गीलआ जायगा मोनो। गुबुन फार्से जितिनिनो साइ सुदर्शनआ खेबब्रे मेचआव 160 रानजों बाथि नम्बरआव जायगा मोनो। पार्ल केपनि बाध्रा बुडेब्ला गुजरातनिनो महित शर्माआ गिबि नम्बरआव जायगा आवग्रियो। बिथाडा खेबब्रे मेचआव 7 उइकेट लाबाय। सिएसकेनि मुस्ताफिजुर रहमानआबो खेबथाम मेचआव 7 उइकेट

लाबाय। नाथाय महितनि इकनमी रेटआ साबसिननि थाखाय गिबि नम्बरआव जायगा मोनो। बिथांमोननि उनाव एलएसजिनि मायं यादबआ थामथि नम्बरआव जायगा आवग्रियो। बिथाडा खेबनै मेचआवबो 2 उइकेट लादों। बिथांमोननि उनाव रजस्ताननि युजवेन्द्र सहलआ 6 उइकेटजों त्रैथि आरो दिल्लीनि कलिल आहमेद 6 उइकेटजों बाथि नम्बरआव जायगा मोन्दों। बेबादि थासारिआव गुजरात हान्जानिफ्राय माखासे बिथिखव आवगायनायखौ नुनो मोनो। हान्जाया नम्बर 4 आव जायगा मोन्दोंब्लोबो हान्जानिफ्राय सानै बेटसमेनफोरा टप-5 नि फारिआव जायगा आवग्रिदोंब्लो बलिंआव महित शर्माआ गिबिसिनआव दड।

गोदान दिल्ली, 5 एप्रिल: आफगानिस्तानजों जेन्नायनि उनाव एआइएफएफनि आफादगिरि कल्यान सौबेनि आफादगिरि मासिआव दैदेन जानाय जथुमआव लेडाइ आफादगिरि एनए हेरिसनि आफादगिरि सामलायनायाव कमिटिआ अनलाइन जथुम्मानि समाव स्टिमेकजों माखासे आयदानि सायाव सावरायलायदों। फिफा वर्ल्ड काप क्वालिफायरआव आफगानिस्ताननि हेँथायै जेन्नायनि उनाव सोंखारिजानायजों मोगा-मोगि जानांनय कच इगर स्टिमेकआ वे टुर्नामेन्टआवबो कुवेट आरो काठारनि हेँथायै जानो गोनां मेचसिम गावनि बिबानखौ सामलायगोन। अल इन्डिया फुटबल फेडरेसनआ स्टिमेकजों सावरायनायै जानो गोनां खेबनै मेचनि सायाव नोजोर लाखिनो सुबुरुन होदों। बेनि सिगां भारतीय फुटबलनि मुंदांखा आइएम भिजयनिन आफादगिरि बिबानआव सामलायजानाय टेक्निकले कमिटिआ थांनय 26



मार्चखालि गुवाहाटीआव जालांनय आफगानिस्ताननि हेँथायै जेन्नायनि उनाव क्रएसियानि कच स्टिमेकखौ बिबाननिफ्राय बोख्लायनो बाध्रा बुंदोंमोन। आफगानिस्तानजों जेन्नायनि उनाव एआइएफएफनि आफादगिरि कल्यान सौबेजों लिथुमजानो आरो लेडाइ आफादगिरि हेरिसनि आफादगिरि बिबानआव कमिटिआ अनलाइन जथुमनि समाव स्टिमेकजों गुबुन गुबुन गोनांथिथार आयदाफोरनि सायाव सावरायो। बे समाव एआइएफएफनि वर्कि कमिटिनि सोद्रोमा आरो टेक्निकले ल कमिटिनि आफादगिरि भिजयनआ कचजों गुबुन गुबुन

आयदानि सायाव सावरायलायनो मोन्नायखौ गोजेन्नाय फोरमायो। लोकोसे फिफा वर्ल्ड काप क्वालिफायरआव जारिमिनारि महरै गिबि खेब राउन्ड 3 आव सौहैनो मोनगोननि खाबु मोन्नायखौ फोरमायो। सिगां फार्से बिथाडा जानो गोनां खेबनै मेचनि थाखाय गावसोरनि गोनांथिथार नोजोर लाखिनांगोनि

गोनांथिखौ फोरमायदों। हेरिस, भिजयन आरो क्लाइमेक्स लरेन्सजों लोकोसे कमिटिनि साथाम सोद्रोमाफोर जथुम्मायाव बाहागो लायाखै मोन। बे जथुम्मायाव स्टिमेकनिसिम आफगानिस्ताननि हेँथायै नख 'रि फोथारनि मेचनि सिगां जालांनय माखासे आयदाफोरनि सायाव सोंथि देखदोंमोन। जेराव बिथाडा क्वालिफायरनि थामथि राउन्डनि थाखाय भारतआ क्वालिफाइ जायाब्ला गावनि बिबान एंगारगोननि सायाव खोथा होदोंमोन। स्टिमेकआ अनलाइन जथुम्मानि समाव बोसोरसे सिगां गावनिफ्राय भारतखौ थामथि राउन्डनि थाखाय क्वालिफाइ खालामनो नाजागोननि खोथा होनायखौ फोरमायनानै आधिखालाव गुपआव नैथि

नम्बरआव जायगा मोन्नायखौ फोरमायनानै दासिमावबो गावसोरनि क्वालिफाइ जानो खाबु मोन्नायखौ फोरमायो। लोकोसे फेगौ जुन दानआव कुवेटनि हेँथायै मेच गेलेनायनि उनाव उनि आयदानि सायाव बाध्रा सावरायबावगोननि खोथा होयो। बे समाव स्टिमेकआ जुन दानआव कुवेट आरो काठारनि हेँथायै क्वालिफायरनि थामथि मेचआव सौहैनायनि थाखाय हान्जाखौ साबसिनै दिन्थिफुंनो नोजोरगोननि खोथा होयो। एआइएफएफनि आफादगिरि सौबेआबो बिथांनिफ्राय मिजिथि लादों। बेनि उनाव स्टिमेकआ जुन दानआव जानो गोनां खेबनै मेचनिफ्रायनो गिबि खेब थामथि राउन्डआव सौहैनो खाबु मोनगोनखौ फोरमायो।

आनमलजों लोकोसे सा 5 भारतीय गेलेगिरिफोरा काजाकिस्तान सेलेन्जारनि क्वार्टर फाइनालाव

गोदान दिल्ली, 5 एप्रिल: एसियान टीम सेम्पियनसिपआव सनानि मेडेल देरहानायव मदद खालामनो हानाय बारग' नेसनेल सेम्पियन आनमलआ नैथि राउन्डआव इएइनि नुयानि रातु अजाहाराखौ 21-11, 21-7 स्करआव फेजेनानै बेडमिन्टनि फोथारआव फिन जाफुंसारनायनि लामाजों आगान सुरदों। बिथांनि अनगायै सिहागआ आजारबेजाननि केसा फामिताखौ 21-12, 21-12 स्करआव फेजेनानै आवगायदों। 17 बोसोर बैसोनि बेडमिन्टन गेलेगिरि आनमल करबजों लोकोसे सा 5 भारतीय शाटलारफोरा काजाकिस्तान इन्टरसेनेल सेलेन्जारनि क्वार्टर फाइनालाव सौहैबाय। आनमलनि अनगायै बे टुर्नामेन्टआव देबिका सिहाग,



सेलेन्ज मोन्नायखौ दबथायनानै सिगांदों। बे खेबआव बिथाडा समान रेंकिनि बादायारि अनुपमानि सेलेन्जआव ऑखारगोन। जेराव अनुपमाआ बेनि सिगां चेक रिपब्लिकनि बाथि रेंकिनि तेरेजाखौ फेजेन्दोंमोन। 7 थि रेंकिनि तानियाआ इजराइलनि सेनिया पलिकारक भाखौ 21-11, 21-18 स्करआव फेजेनो। इशा रानीआ निउजलेण्डनि टिफनी हखौ 21-10, 20-14 स्करआव फेजेन्दों।

फिफा रेंकिंआव भारतीय हान्जाया दावख्लायफिन्दों

गोदान दिल्ली, 5 एप्रिल: भारतीय फुटबल हान्जाया फिफा वर्ल्ड काप क्वालिफायरआव कुवेटनि हेँथायै थांनय 20 बोसोरनि गेजेराव नख 'रारि फोथारनि बाइजोआव गिबियै देरहानाय थिसन्दोंमोन। नाथाय भारतआ काठारआव जालांनय एएफसि एसियान काप 2023 आव गात्रियै जेन्दांमोन। भारतनि हान्जाया थांनय दानआव गुवाहाटीआव जालांनय 2026 फिफा वर्ल्ड काप क्वालिफायरनि नैथि राउन्डआव आफगानिस्ताननि हेँथायै 1-2 स्करआव जेन्नायनि उनाव गोदानै फोसावनाय फिफा रेंकिंआव मोनब्रे मासि दावख्लायनानै 121 आव सौहैबाय। जेराव बे रेंकिंआ भारतीय हान्जानि थाखाय थांनय माखासे बोसोरनि गेजेराव गात्रिसिन रेंकिंआव सौहैबाय। भारतीय हान्जाया थांनय बोसोराव इन्टर कन्टिनेन्टल क्लब, त्रिकणीय(दरथाम हादरनि) टुर्नामेन्ट आरो सैफ



सेम्पियनसिप देरहानायनि उनाव टप 100 आव जायगा आवग्रिदोंमोन। नाथाय इगर स्टीमेकनि कचिंआव भारतीय हान्जाया थांनय 26 मार्चखालि हान्जानि गाहायसिन रेंकिं आफगानिस्तानजों जेन्नायनि जाउनाव फिफा रेंकिंआव दावख्लायदों। भारतीय हान्जाया थांनय माखासे साननिफ्रायनो गात्रियै दिन्थिफुंनो दड। भारतआ फिफा वर्ल्ड काप क्वालिफायरआव सिगां समाव मोजाडै दिन्थिफुंजेन्दोंमोन।

नाथाय उनि समाव जेन्नायनि उनाव बेनि गात्रि फिथाइखौ मोन्दां। भारतआ थांनय जानुवारि दानआव अस्ट्रेलियानि हेँथायै 0-2, उज्बेकिस्ताननि हेँथायै 0-3 आरो सिरियानि हेँथायै 0-1 स्करआव जेन्नांनै गावसोरनि एसियान कापआव गेलेनाय अभियानआव गल सोनो हायालासे जायखारनांदोंमोन। बेयो मोनब्रे हान्जाफोरनि गुप-बिआव भारतनि गात्रिसिनै दिन्थिफुंनयमोन आरो बे समाव

हान्जाया गाहाइसिन मासिआव जायगा मोन्दोंमोन। थांनय दानआव ब्लु टाइगरनि हान्जाया सौदि आरबनि अभायाव वर्ल्ड काप क्वालिफायरनि नैथि खोलोबनि गिबि लेगआव आफगानिस्तानजों गल सोलायनो हायालासे इ मेच गेलेदोंमोन आरो फिन नख 'रारि मेचआव जेन्दांमोन। जायनि जाउनाव भारतीय भारतीय अन्सायगिरिफोरा रागा जोंखांदोंमोन आरो कच स्टिमेकखौ बिबाननिफ्राय

बोख्लायनो दाबि देखदोंमोन। दासिमाव भारतनि गात्रिसिन रेंकिंआ 173 जानानै दड। थांनय मार्च दानआव 15 मासि दावख्लायनानै 117 आव सौहैनायनि सिगां भारतीय हान्जाया 2023 नि 21 डिसेम्बरखालि फोसावनाय रेंकिंआव 102 आव जायगा मोन्दोंमोन। सोलिफु वर्ल्ड सेम्पियन आर्जेन्टिनाआ फिफा रेंकिंआव गिबि नम्बरआवबो जायगा आवग्रिनानै दड। नेडारलेण्डआ 6 थि मासिआव जायगा मोन्नायनि उनाव पुर्तुगाल, स्पेन आरो इटलीजों लोकोसे क्रएसियाआबो टप-10 हान्जाफोरनि फारिआव जायगा मोनो।

गुजराट टाइटान्सनि हान्जायाव सासे गेलेगिरिआ मिजिथिनि बाइजोआव दिन्थिफुंदों

गोदान दिल्ली, 5 एप्रिल: शुभमन गिलनि केप्टेनआव गुजराट टाइटान्सनि हान्जाया सोलिफु समसिमआव आइपिएलनि सोलिफु सिजनआव दिन्थिफुंनया उन सिगां जागासिनो दड। बे हान्जाया मोजाडै दिन्थिफुंनो दड। अब्लाबो टप-4 नि फारिआवबो हाबनो हायाखै। बे हान्जाया महम्मद स्वामीनिफ्राय गोबां मिजिथि लादों। नाथाय भारतीय हान्जानि थाखाय वर्ल्ड काप गेलेखानाय भिजय शंकरआ हान्जानि थाखाय नोजिया गेलेगिरिनि फोरमानआव गोरलैदों। गुजराटआ बिथांखौ गोबां रंआव बायदोंब्लोबो सोलिफु समसिमआव नांगोबादि मदद



मोनाखै। भिजयआ भारतीय हान्जानि थाखाय 2019 आव वर्ल्ड काप गेलेखानाय। बिथाडा बलिं आरो बेटिजों लोकोसे मोजाडै फिल्डबो खालामो। जायनि थाखायनो बिथांखौ 3 डिप्लेयार बुंनय जायो। नाथाय सोलिफु बोसोरनि आइपिएलआव बिथाडा हान्जायाव मिजिथि बादिदै बिहोमा जगायनो हायाखै। मानोना बिथाडा दासिमाव

गेलेनाय खेबब्रे मेचआव 40 रानल' लानो हादों। बे समाव बिथांनि दिन्थिफुंनय जौखोन्दोआ 20 आव थाहैयो आरो बिथाडा 105.26 नि स्ट्राइक रेटजों बेटि खालामो। 2022 नि आइपिएलनि सिगां जितिआ बिथांखौ निलामआव बायदोंमोन। बिथांनि बेस प्राइसआ 20 लाख रंमोन। नाथाय सिएसके आरो जितिनि गेजेराव सोलिनाय गोलाव प्राइस

पिभि सिन्धुआ उबेर कापनिफ्राय जानगारआव

गोदान दिल्ली, 5 एप्रिल: पिभि सिन्धु आरो टप-2 डबल हान्जाफोरा उबेर कापनिफ्राय गावसोरनि मुंखौ बोखानानै लाफिनबाय। नाथाय हौवाफोरनि केटेगोरिआव भारतनि गोखौ हान्जाया फेगौ 27 एप्रिलनिफ्राय चेंडुआव जानो गोनां थमास काप बेडमिन्ट टुर्नामेन्टआव बाहागो जागोन। थांनय फेब्रुवारि दानआव बेडमिन्ट एसिया सेम्पियनसिपनि गेजेरजों बाहागो जाफिन्नायनि उनाव सिन्धुआ खेब 6 टुर्नामेन्ट गेलेदों। खेबनै अलिम्पिक मेडेल देरहानाय पिभि सिन्धुआ पेरिस अलिम्पिकनि सिगां मोजां देहायाव फेफिन्नायनि थाखाय माखासे समखौ नोजोर लाखिनानै गावनि मुंखौ बोखानानै लाफिन्दों। आइजोफोरनि डबलआव त्रिचा जली-गायत्री गपिचान्द आरो आस्विनी पनप्पा-तनिष क्रस्टआबो गावसोरनि मुंखौ



बोखानानै लाफिनबाय। बिथांमोननि जराआबो अलिम्पिक क्वालिफिकेसननि गेजेरजों गुबुन टुर्नामेन्टफोयव जायगा आवग्रिनायनि थांखिआव दड। बिएआइनि ने हाथारि सन्जय मिश्राआ सिन्धुनि जायखारनायनि जाहोनखौ अलिम्पिकनि थाखाय थियारि जानायनि थाखाय फोरमायो। लोकोसे थांनय माखासे समनिफ्रायनो टुर्नामेन्ट गेलेबोनाय डबल हान्जाफोरनि

क्वालिफिकेसननि थाखाय मुं बोखानानै लाफिन्नायखौ रोखा खालामो। भारतआ थमास कापआव बारग' सेम्पियन महरै बे खेबआवबो गोखौ हान्जाजों ऑखारगोन। जायनि फारिआव सा 5 सिंगेल गेलेगिरि लक्ष्य सेन, किदाम्बि श्रीकान्त, एडसएस प्रनय, प्रियांसु रजावत आरो किरन जजआ दड। मुलुगनि नम्बर 1 जरा सात्त्विकसाइराज रेन्किरेड्डु-सिराग शक्ति आरो एमआर अर्जुन-ध्रुव कपिलानि जराआबो

बिमुनि थाखाय सेलेन्जआव ऑखारगोन। उबेर कापनि भारतीय हान्जानि थाखाय सिंगेल्सआव आनमल करब, तनवी शर्मा, अस्मिता सलिहा आरो इशा रानी बरुवाआ दड। जायनि डबल केटेगोरिआव श्रुति मिश्रा, प्रिया कजेबाम, सिमरनजित सिंधी आरो रितिका ठाकरेआ दड।

आर प्रज्ञानन्दआ फिरजानि हेँथायै गावनि गेलेनाय अभियानखौ जागायगोन

लाखिनांगोनि गोनांथिखौ फोरमायो। बे टुर्नामेन्टनि समफारिखौ नुनानै प्रज्ञानन्दआ आरोबाव सांग्रासिन जादों। भारतीय गेलेगिरिफोरि फारियै फाबियान' कारुआना आरो हिकारु नाकामुरनि गेजेराव अल आमेरिकानि बादायनाया जागोन। साननि गुबुन मेचआव निजात अवासभनि बादायनाया रसियानि यान नेपमनियसीनि सेलेन्जआव जागोन। प्रज्ञानन्दआ इभेन्टनि थाखाय गावनि थियारिथिथिखौ फोरमायदों। लोकोसे बे बादायनायाव समखौ सामलायनाय थामनिनबा जागायजेन्नाय खेब 40 मुभसिमआव समखौ नोजोर

आइजो केटेगोरिनि गिबि राउन्डआव सानै गेलेगिरि आर बैशाली आरो कनेरु हम्पीआ सेलेन्जआव ऑखारगोन। बे टुर्नामेन्टनि टाइम कन्ट्रल बादिदै सिगांनि 2 घन्टयाव खेब 40 मुभ जागोन आरो आद्रा बादायनायनि थाखाय 30 मिनट सम होनाय जागोन। जेराव खेब 41 मुभनिफ्राय खेबफ्रोम मुभनि उनाव 30 सेकेन्ड सम दाजाबनाय जागोन। रसियानि सानै गेलेगिरि एलेक्सेन्डरु आरो केथरिनाआबो गिबि राउन्डआव सेलेन्ज लाज्लायगोन।

